





萬病回春目錄

耻集卷之八



癰疽ヨウソウ 一丁ニ 癩癧ライキ 十六 疔瘡チヤウサウ 二十二

便毒ベンダク 二十六 下疳ゲカン 二十七

楊梅瘡ヨウバイサウ 二十九 賺瘡シヤウサウ 三十三

疥瘡カイサウ 三十五 癬瘡センサウ 三十七 癩瘡ライサウ 三十九

癩風ライフウ 四十 厲風ライフウ 四十一 諸瘡シヨサウ 四十二

杖瘡チヤウサウ 四十四 折傷セツキヤウ 四十七 金瘡キンサウ 四十九

破傷風ハキヤウフウ 五十 湯火トウカ 五十三

虫獸チュウジュウ 五十四 中毒チュウドク 五十六 骨髄コツクヱ 五十八

五絶セツ 五十九 膏藥カウヤク 六十一 通治ツウチ 六十三



奇病 六十七

雲林暇筆 凡十二條 七十六

龔氏家訓 凡三十二條

萬病回春卷八目錄 終

新刊萬病回春卷之八

耻集

太醫院醫官金谿雲林龔廷賢子才

編輯

門人 醫官同邑胡廷訓

慈谿羅國望

弟醫官廷器

姪 懋官同校

金陵書坊對峰周曰校刊行

癰疽

脈癰疽脈數浮陽沉陰浮數不熱但惡

寒侵若知痛處急灸或針洪數病進

將有膿滯滑實緊促內消可禁宜托

裏者脈虛濡遲或托瀦微潰後亦宜

長緩易治短散則危結促代見必死

無疑

瘡瘍之症當察經之傳受病之表裏人之虛實而攻補之假如腫痛熱渴大便閉結者邪在內也疎通之瘡焮作痛寒熱頭疼者邪在表也發散之瘡瘡痛甚者邪在經絡也和解之微瘡微痛而不作膿者氣血虛也補托之漫瘡不痛或不作膿或膿成不潰者氣血虛甚也峻補之色黯而微瘡痛或膿成不出或腐肉不潰者陽氣虛寒也溫補之若泥其未潰而驟用敗毒復損脾胃不惟瘡者不能成膿而潰者亦難收斂七惡之症蜂起多致不救經云諸痛瘡瘍皆屬心火若

瘡赤煩燥發熱引冷便閉作渴脉洪

數實是其常也雖在嚴寒之時必用

大苦寒之劑以瀉熱毒若脉微皮寒

瀉痢腸鳴飲食不入嘔吐無時手足

逆冷是變常也雖在盛暑之時必用

大辛溫之劑以助陽氣經曰用寒遠寒用熱遠熱

有假者反之雖違其時必從其症

癰疽大按乃痛者病深小按便痛者病

淺按之處脂不復者無膿按之處即

復者有膿不復者可消若按之都牽

强者未有膿也按之半軟者有膿也

又手按上下不熱者無膿若執甚者

有膿凡覺有膿急當破之無膿但氣

腫若有血慎之慎之不可針破也

癰者大而高起屬乎陽六腑之氣所生也

疽者平而內發屬乎陰五臟之氣所成也

凡癰疽未破毒攻臟腑一毫熱藥不敢

用若已破潰臟腑既虧飲食少進一

毫冷藥不敢用也

腫瘍者癰疽未見膿而腫也

腫瘍內外皆壅宜以敗毒表散為王

說欲行大黃者宜審其虛實之原

癰疽初起之時宜

灸法 治癰疽發背初生累試果効

凡人初覺癰疽發背已結未結赤熱

腫痛先以濕綿覆其上立視候其昏

先乾處即是結疽頭處取大蒜切成

片如二箇銅錢厚安在頭上用火艾

壯灸之三壯換一蒜片痛者灸至不

痛不痛者灸至痛時方在最早覺

早灸為上方發一二日者十灸十愈

三四日者六七愈五六日者三四愈

過七日則不可灸矣若有十數頭作

一處生者用大蒜搗成膏作餅子鋪

瘡頭上聚艾燒之亦能安也若背上

初發赤腫內有一粒黃如粟米者即

用獨蒜切片如前灸法治之次日去

痂膿自潰也

○竹筒吸毒方 諸般惡瘡並治

用苦竹長一二十寸用頭節妙刮去青

皮似綿薄為佳其大小隨瘡斟酌應
毒瘡初發時用

白蒺藜 蒼朮 烏柏皮

白子朴 各五錢重

右四味剉片用米一碗同煎筒煎
煮以藥料乾為度乘竹筒熱以手按
之於瘡上須之其筒自粘在瘡上不
必手按也仍更用前藥分兩再煮候
前竹筒冷以手拔去再換熱者如前
法其膿自吸入筒中而瘡愈矣

○荆防敗毒散

治一切惡瘡腫毒丹瘤
癰疽疔腫魚鱗五發瘡
痛拘急狀似傷寒一二日至四五日
者一二劑即愈其毒輕者內自消散

防風 荆芥 羌活 獨活

柴胡 前胡 薄荷 連翹

桔梗 枳殼 川芎 茯苓

金銀花 甘草 大便不通

加大黃芒硝熱甚痛極加芥連

右挫生薑煎服瘡在上食後服在下

食前服

○千金漏蘆湯

治一切惡瘡腫毒丹瘤
癰疽疔腫魚鱗五發瘡
瘡初覺一二日便如傷寒頭痛煩渴
拘急惡寒肢厥四肢沉重恍惚
亂坐臥不安皮膚壯熱大便閉
結小便赤黃血熱如瘧服

漏蘆 白欬 黃芩 麻黃

枳實 升麻 芍藥 大黃

甘草 芒硝 連翹

右剉作劑水煎服

追風通氣散

患於未萌之前，後根於既愈之後。此藥順氣，扶植胃本，不傷元氣。務破傷，自熱通順，不生癰疽。血氣諸痛，腰痠，一切痰飲，為患。

- 當歸
- 赤芍
- 白芷
- 小茴香
- 何首烏
- 木通
- 烏藥
- 枳殼
- 蘇枳
- 甘草

右剉劑酒水各半煎，病在上食後服，在下食前服。

一癰疽初萌，必氣血凝滯，所成為日既久，則血積於所滯，而後盛作。故病人氣血盛者，減當歸多，則生血發于他，所再結癰毒，生生不絕矣。

腦疽背發在上者，去木通，恐道虛下。

元為上盛下虛之病，難於用藥。

一癰疽生痰，有二：一胃寒生痰，加半夏，健脾化痰；二乃鬱而成風痰，加桔梗生薑。

一流注可加獨活，流注者氣血凝滯，故氣滯則血留，而凝加獨活者，可以動一身血脉，血脉既動，豈復有流注乎？一左以少醋濕，貼痛處，以炒薑熨之，即愈。

一流注起於傷寒，傷寒表未盡，遺毒於四肢，經絡溢於所滯，而後為流注也。如病尚有潮熱，則裏有寒而未盡散，加升麻、蘇葉、熱不退，加乾葛、頭痛，加川芎、薑、葱，無汗用酒水各半煎，大能行血生氣，故也。

發背既久不愈乃前醫用涼藥過也

涼藥內傷其脾外水其血脾主肌肉

脾既受傷飲食必減顏色痿痺肌肉

不生血為脈絡血一受水則氣不旺

肌肉糜爛故必理脾脾健肉自生本

方去木通少用當歸加厚朴陳皮盛

則加白豆蔻

凡病癰疽之人有泄瀉者不可便服

此藥宜先服蠟餐丸止瀉後用此

腸肚內癰宜十宣散與此方相間服

之命宜加忍冬藤

一腫毒堅硬不穿加川芎獨活麻黃連

鬚葱煎服出汗即穿

打傷折在頭上去木通加川芎陳皮

一經年腰痛加菹薤玄胡索酒煎

脚氣加木瓜檳榔穿山甲木煎

痰飲為患或喘或咳或暈頭痛筋疼

遍身拘急骨節痠疼背項肢膝

腰腿手足聚結腫硬或癢或不痛按

之無血潮熱或有微瘡亦淡薄不熱

堅如方破之無膿或有薄血或清水

或如乳汁又有壞肉如破絮或又如

瘰癧在皮肉之間如鷄卵可移動軟

治不硬破之亦無膿血針山竅肉突

出惟覺咽喉痰實結塞作寒作熱加

南星半夏

○神功散 治癰疽發背一切疔毒疔瘰

川烏炮去川黃柏炙去粗皮

右為細末用鹽調成膏如鹽水漱口
水亦可發背癰疽等瘡起者敷患
處留頂候藥乾用淘米水時常潤濕
每日藥敷一次如瘡已成重患將潰
爛者先將槐枝艾葉煎湯頭溫將瘡
洗淨用絹帛展去膿血以香油潤患
處用綿紙仍照患處煎成員錢留頂
貼上後用藥塗於紙如乾依前用淘
米水潤目換一次聽其自然流膿不
可手擠如敷藥後病人瘡覺在痛減
熱即愈如生肌則腐肉自落腐如不
落者剪割亦可最不宜用針發背不
宜貼膏藥凡醫瘡屏去別醫此飲別
藥方可治忌氣怒房事勞復并孝服

體氣飲酒之人飲食已酒并羊雞魚
肉瓜茄姜辣之物若因氣怒反復發
腫依前治之如治對口并腦疔不必
洗去舊藥逐次添藥恐動瘡口惡風
也一腫甚加南星赤小豆等分醋調
塗立消姜汁亦可

○真人活命飲 治一切癰疽疔腫不問
痛然當服於未潰之先與初潰之際
如毒已大潰不可服初用大劑已
退然後隨症調治其功甚捷成仙方也

- 穿山甲 甘草節
- 天花粉 赤芍
- 乳香 明透者 防風
- 白芷 各一錢
- 貝母 各七分
- 沒藥

皂角刺 各五分 陳皮

歸尾 各一錢 金銀花 三錢

右到一劑好酒煎空心熱服能飲者服後再飲酒三五盃滓再前服在背俞倍皂角刺○在腹膜倍白芷○在擲次加瓜蒌仁二錢○在四股倍金銀花

○呂洞賓仙傳化毒湯

治癰疽發背乳毒初起服之立消已成已潰服之立愈

防風 甘草節 白芍

茯苓 貝母 黃芩

連翹 白芷 各一錢 天花粉

金銀花 各一錢 半夏 七分

乳香 沒藥 各五分

右到一劑好酒煎胸前飯前服背上部飯後服下部空心上部食後俱要出汗為度如無汗用末香薰脚膝腕內被蓋汗出而愈

○神仙排膿散

治惡瘡毒風毒疥癩皆花瘡小兒惡瘡膿血俱從大便中出亦治氣滯腹脹及婦人經閉不通此方壯實之人可用虛弱者當慎之

大黃 十二兩酒浸一宿曬乾

沒藥 白芷 沉香 木香

乳香 川山甲 陳壁 土炒 各五錢

右各為細末量入虛實用之實者小

適二錢虛者二錢半臨臥用好生酒

調服服後禁飲食湯水半日五更覺

腹內疼痛動三五次以稀米粥補之

服此藥內有川山甲忍令人作嘔須
忍之即嚼生葱可止凡修合此藥要
誠意不可令婦人鷄犬見又不可多
合恐久放則不効矣

○芙蓉膏 治瘡疽發背諸毒
芙蓉葉 或皮或根亦可 黃荊子

右各等分入石臼內搗極爛用雞子
清調搽於瘡上留頂不過二次收功

頂如烟起立時止痛其効如神
○一方 治發背瘡疽不問已潰未

白全鳳花科連根帶葉搗爛先用陳
米醋洗淨患處後敷藥一日一換瘡

將好用桑葉醋煮一滾即撈起貼瘡
上即生肌收口而愈

潰瘍者癰疽之膿已潰出也

瘍潰內外皆虛宜以補接為主設欲
行香散者宜防其虛實之失由是言

之則癰疽之腫時與潰時不同
癰疽已潰之後宜後方 本氏云疽疾將

○托裏消毒飲 治一切癰疽六七日未
消已成即潰能壯氣血固脾胃使毒

氣不能內攻使毒膿易潰肌肉易生
切不可早用生肌之藥恐毒未盡反
增潰爛難愈

金銀花 三錢 黃芪 三錢 木 天花粉 各二

防風 白芷 當歸 酒洗

川芎 桔梗 厚朴 姜汁

穿山甲 珠 皂角刺 三錢 陳皮 一錢

右到一劑酒水各一盞煎服塗在上

食後服在下空心服後用水煎服

○千金內托散

治瘡疔瘡毒未成者速
出無用手拈惡肉自去不用刀針服
藥後夜痛頓減此藥活血氣調胃
補虛祛風邪辟穢氣乃王道之劑宜
多服之太効

黃芪

蜜炙

人參

當歸 酒洗各二錢

川芎

防風

桔梗

白芷

厚朴 姜升

薄桂

甘草

生用

加金銀花

亦好

右為細末每服二錢黃酒調下不飲

酒木香湯調下亦可或都作一劑用

酒煎尤佳○癰疽腫痛倍白芷不腫

痛倍官桂○不進飲食加砂仁香附

○痛甚加乳香沒藥○水不乾加知

母貝母○瘡不穿加皂角刺○咳加

半夏陳皮杏仁生姜五片○大便閉

加大黃枳殼○小便澀加麥門冬車

前子木通燈草

○十全大補湯治癰疽潰後補氣血進

飲食實為切要凡膿血出多陰陽兩

虛此藥有廻生起死之功但不分經

絡不載時令醫者觸類而長之可也

或見腫平痛寬遂以為安慢不知省

無補調養之功愈後虛証復見因而

轉為他病而危劇者多矣

○神僊蠟餐丸

治瘡疔瘡毒及肺癰癧瘰癧
脂膜止瀉漏化膿瘰癧瘰癧後宜
兼
治諸瘡毒粉瘤瘰癧三五十年者

即消不問惡瘡新起者亦効

黃蠟二兩

白礬三兩

右為末溶蠟為丸梧子大每服三十丸酒下不飲酒熟水下日服三次肺癰蜜湯下咳嗽薑湯下

五善七惡主治

夫善者動息自寧飲食知味便利調勻

膿潰腫消水鮮不臭神彩精明語聲

清明體氣和平是也此屬肺症病覆

邪淺更能慎起居節飲食勿藥自愈

惡者乃五臟虧損之症或因汗下失宜

榮衛消鑠或因寒涼剋伐氣血不足

或因峻厲之劑胃氣受傷以致真氣

虛而邪氣實外似有餘而內實不足

法當純補胃氣多有可生不可因其

惡遂棄而不治

若大渴發熱或泄瀉淋閉者邪火內淫

一惡也竹葉黃芪湯氣血俱虛八珍湯加黃芪麥門五味山茱萸

若膿血既泄腫痛尤甚膿色敗臭者胃

氣虛而火盛二惡也人參黃芪湯如補湯加麥門五味

若目視不正黑睛緊小白睛赤腫子

上視者肝腎陰虛而目系急三惡也

六味丸料加山茱萸麥門五味子如

不應用八珍湯加山茱萸麥門五味

若喘粗短氣恍惚昏臥者脾肺虛火四

惡也大君子加大棗生姜如不應用補中益氣湯加麥門五味心火

刑剋肺金人參平肺散陰火傷肺六

味九加五味子煎服

若肩背不便四肢沉重者脾腎虧損五

惡也補中益氣湯加山茱萸山藥五

若不能下食服藥而嘔食不知味者胃

氣虛弱六惡也六君子湯加木香砂

若聲嘶色敗唇鼻青赤面自四肢浮腫

者脾肺俱虛七惡也補中益氣湯加

應用六君子湯加炮姜更不應急加

若腹痛泄瀉咳逆昏憤者陽氣虛寒氣

內滯之惡症也急用托裏溫中湯後

或加姜桂溫補

若有潰後發熱惡寒作渴或怔忡驚悸

寤寐不寧牙關緊急或頭目赤痛自

汗盜汗寒戰咬牙手撒身熱脉洪大

按之如無或身熱惡衣欲投於水其

脉浮大按之微細衣厚仍寒此氣虛

極傳變之惡症也

若手足逆冷肚腹疼痛泄痢腸鳴飲食

不入吃逆嘔吐此陽氣虛寒氣所乘

之惡症也

若有汗而有惡寒或無汗而惡寒口噤

足冷腰背反張頸項勁強此血氣虛

極變瘳之惡症也急用參茸歸木附

大抵五善見三則吉七惡見四必危虛

中見惡症者難治實症無惡候者易

治

○六味丸一名六味此壯水之劑夫人

之生以腎為主凡病皆由腎虛而致
此方乃天一生水之劑無有不可用
者世所罕知若腎虛發作渴小便淋
閉痰氣壅盛咳嗽吐血頭目眩暈小
便短少眼花耳聾咽喉燥痛口舌瘡
裂齒不堅固腰腿痠軟五臟齊損肝
經不足之症尤當用之本能生木故
也若腎虛發熱自汗盜汗使血諸血
失痛水泛為痰之聖藥血虛發熱之
神劑也

熟地黄 用生者自製八兩

山茱萸 酒浸去核取肉

山藥 各四兩

白茯苓 去皮

牡丹皮

澤瀉 各二兩

右地黃酒蒸黑杵膏餘為末煉蜜丸

梧子大每服七八十九粒水下

○八味丸

治命門火衰不能生土以致
脾土虛寒而感流注鶴膝等
症不能滲瀉收飲或飲食少思或食
而不化脘腹疼痛夜多漩瀝即六味
丸加肉桂附子各一兩經云益
火之源以消陰翳即此方也

○加減八味丸

治癰疽瘡瘍後及痔
瘡口乾渴甚舌或生黃
及未患先渴此腎水不能
上炎火水不能既濟故心煩燥小便頻
澀或自濁陰痿飲食減少肌膚瘦削諸
症服此以生腎水降心火諸症頓止
及治口舌生瘡小兒

山藥

山茱萸

去核淨肉 桂心 去皮

澤瀉

白茯苓

去皮各五錢

五味子

二兩半

牡丹皮 五錢

熟地黄

用生者八兩 酒料 砂鍋蒸

右為末入膏加蜜少許同九梧子大

每服六七十丸五更初未言語前或
空心用鹽湯送下

○補中益氣湯

治元氣虛損或因勞傷
飲食少思或不能起發滯散生肌收斂
或兼飲食勞倦頭痛身熱煩燥作渴
脈洪大弦虛或微細軟弱

黃芪 蜜炒 人參 白朮 去蘆

甘草 炙 各一錢 當歸 一錢 陳皮 五分

升麻 柴胡 各二分

右到一劑薑棗煎服

○四君子湯

治脾胃虛弱或因勞傷
以補脾胃諸症自愈若誤用攻毒七
難化或欲作嘔或大便不實若脾胃
氣虛瘠白出血吐血便血尤宜用之
蓋氣能攝血故也凡氣血俱虛之症
宜此湯但加當歸脾胃既壯飲食自
進除血自生若用四物湯沉陰之劑

脾胃虛弱諸症起若命門火衰而
脾土虛寒必用八味丸以補土母

人參 白朮 去蘆 茯苓 各二錢

甘草 炙 右到兩姜棗水煎服

○六君子湯

治脾胃虛弱或寒氣滯伏
此湯以壯榮氣諸症自愈即四君子
湯加陳皮半夏

○八珍湯

治脾胃傷損惡寒發熱煩燥
作渴或瘡瘍潰後氣血虧損

○十全大補湯

治諸虛百損氣血虛弱
自汗盜汗食則嘔吐發熱作渴頭痛
眩暈似中風狀即八珍湯加黃芪肉桂

○托裏溫中湯

治瘡瘍膿潰元氣虛寒
或因疔伐胃氣脫陷腸
鳴腹痛大便溏油神惡昏憤此寒變
內陷緩則不活

羌活 附子 炮去皮脂各四錢

益智 丁香 各一錢 乾薑 炒三錢

沉香 木香 茴香 甘草 各一錢

右劉姜水煎服

○人參黃芪湯 治瀉痢飲食少思無睡發熱

人參 白朮 陳皮

麥門冬 蒼朮 枳殼 各五分

黃芪 一錢 歸身 升麻 各五分

黃柏 炒四分 右劉水煎服

○竹葉黃芪湯 治瘧疾氣血虛

淡竹葉 錢黃芪 麥門冬

當歸 川芎 黃芩 炒

芍藥 人參 半夏

石膏 煨 甘草 各一錢 生地黃 二錢

右劉作二劑水煎服

○人參平肺散 治心火起肺傳為疰瘵

扁瘕滯咽喘不和若因肝木太趨而治當補肺若因腎水不足而患當補脾肺若因心火旺而自煎當利小便

人參 茯苓 陳皮

地骨皮 甘草 各一錢 知母 炒七分

五味子 青皮 去穢 天門冬 去心各四分

桑白皮 炒一錢 右劉一劑水煎服

一癰疽發背諸瘡出膿潰爛日久不愈

飲食少思身體倦怠口舌乾燥或寒

熱往來驚悸少睡用補中益氣湯去

柴胡加蒼朮麥門冬神麩五味子黃

芎藭小糖加炒酸棗仁瘡肉生遲加日

蘇一錢肉桂五分如膿多或清倍加

黃芪人參當歸白朮

外治敷貼之藥

○琥珀膏

治癰疽發背諸般腫毒久年頑癬

香油四兩下沉香一錢燻浮待油熟去之次下嫩松香八兩文武火不在手攪如琥珀色住火入乳香沒藥銀珠血竭各一錢為末攪入膏內令勻退火毒用油紙攤貼神效

○白龍膏

治背疽及癰瘡神效

香油四兩煎數沸入官粉二兩研細次入黃蠟一兩溶化攪勻退火待藥將凝面用厚連四紙剪大小不一拖藥在上收候若貼時先將患處湯洗淨貼之

○治發背

官粉不拘多少研細用槐枝艾枝剉碎拌炒官粉黃色去槐艾每粉一兩入銀珠一錢研勻用酒蠟油調攤舊棉花上貼之

一瘡瘍肌肉不生若赤色而不生者血熱也四物湯加牡丹皮若膿水清稀氣血俱虛也十全大補湯食少體倦脾氣虛也補中益氣湯煩熱作渴起居如常胃火也竹葉黃芪湯煩熱作渴日哺熱甚腎虛也用加減八味丸

瘰癧

瘰癧各名曰蟠蛇癧○延及胸腋腋下者名曰瓜藤癧○左耳根腫核者名曰惠袋癧○右耳根腫核者名曰蜂窩癧

結核連續者為瘰癧也

形長如鈴者為馬力也

夫瘰癧初發必起於少陽經不守禁戒

必延及陽明經太抵飲食厚味鬱氣

之積曰毒曰風曰熱皆此二端招引

變換須分虛實彼實者故易自非痛

斷厚味與發氣之物雖易亦難殊為

慮以其屬膽經主決斷有相火而且

氣多血少婦人見此若月信不作寒

熱可生稍久轉為潮熱其証危矣自

非斷慾絕慮食淡雖神聖不可治也

瘰癧先從結喉起者

紫蘇 烏藥 枳殼 桔梗

柴胡 前胡 防風 羌活

獨活 川芎 芍藥 茯苓

大腹皮 甘草 各等分

右剉水煎食後服

瘰癧先從項上起者

紫蘇 連翹 桔梗 枳殼

防風 柴胡 羌活 獨活

白芷 當歸 川芎 芍藥

甘草 各等分

右剉水煎食後服

瘰癧先從左邊起者

紫蘇 厚朴 防風 羌活

枳殼 桔梗 前胡 當歸

川芎 芍藥 羅蔔子

蘇子 甘草 右剉水煎食後服

瘰癧先從右邊起者

紫蘇 香附 青皮 烏藥
 半夏 厚朴 桔梗 茯苓
 柴胡 防風 羌活 甘草
 右剉水煎食後溫服

人辨壯者宜

○內消散 治瘰癧結核

朱砂 血竭 班貓 去翅足三分
 右為細末每服一分空心燒酒調服
 一日一服未破者三五立消已破者
 內服此藥外用金頭蜈蚣一條焙研
 極細末用麻油一小鍾浸三日夕搽
 患處其瘡即腫潰過一二日腫消可
 貼膏藥瘡勢大者十日瘡小者十
 餘日可保平復

○琥珀散 治瘰癧結核內消神效

滑石 白牽牛 頭末 黃芩
 姜蚕 各一 琥珀 二錢 木通
 連翹 各七 枳殼 赤芍
 柴胡 各五 班貓 去翅足 甘草 各三

右剉作六劑水煎服

○班貓散 即神效散

班貓 去翅足酒炒淨 川山甲 土炒
 姜蚕 去頭足酒炒 丁香

白丁香 苦丁香
 紅小豆 磨刀泥 各一

右為細末每服一錢五更無根水調
 服至末時打下毒物其形如鼠後用
 田中野菊花焙黃色為末陳醋調貼

瘡上一日一換七日全安

○赤白丸 治瘰癧未破

白礬 三兩 朱砂 九錢

右為細末酒糊為丸菡豆大每服二

十九清茶送下日進三服藥盡即消

人虛弱者宜

○益氣養榮湯 治懷抱抑鬱癰流注

或膨腫發熱或潰不斂

黃芪 人參 白朮 炒各一

當歸 川芎 白芍 炒

生芩 陳皮 香附

貝母 去心各一錢 柴胡

桔梗 炒 地骨皮 甘草 炙各

右剉一劑水煎食遠服○有痰加橘

紅○脇下刺痛加青皮木香○午後

有熱或頭微眩加炒黃柏○膿血清

倍參芪當歸○女人有鬱氣胸膈不

利倍香附貝母月經不通加牡丹皮

當歸 抑氣內消散 治瘰癧并諸癰結核

當歸 川芎 白芍 酒炒

白朮 去蘆 青皮 去穰 陳皮

半夏 姜汁 炒 桔梗 卷活

白芷 獨活 厚朴 姜汁炒

防風 黃芩 烏藥 各八錢

香附 檳榔 各一兩 蘇葉 半

沉香 三錢 木香 人參

粉草 各五錢

右剉水煎溫服服十餘劑即消若再
服照分兩製酒糊爲丸如梧桐子大
每服七十丸酒下

瘰癧外施之藥

○神品膏 貼年久不愈瘰癧瘰癧神効

真香油 一斤 官粉 二兩 黃蠟 二兩

乳香 沒藥 孩兒茶

血竭 各四 胡椒 六錢

先將香油熬滴水不散方下官粉熬
成膏下黃蠟再熬滴水成珠離火方
入細藥瘰癧者胡椒加半攪勻入磁
器內收貯退火毒油單紙攤貼每用
先將葱瀝花椒艾槐條熬水洗瘡淨
後貼之

○奇効膏 此瘰癧未破內消已破則令

真香油 一斤 二兩大黃 六兩 入油煉

浮瀝去渣慢火下淨黃丹半斤慢火

再熬滴水成珠下古石灰炒過五錢

乳香四錢沒藥四錢黃蠟二兩成膏

用油單紙攤貼

○治瘰癧鼠瘡甚効

嫩槐條 一斤 蕪艾 四兩 川椒 三兩

右三味用新木礪鍋一箇盛水滿煎

至七分去渣待溫將所患之瘡徐徐

洗一炷香去膿水并用軟白布擦

乾待至午時仍將藥渣入水一鍋又

煎至六分去渣照前洗一炷香擦乾

待晚仍將藥渣一炷香次日用大蒜

煎

○烏龍膏 治瘰癧潰爛久不愈者神效
辦切薄片圍瘡止用麥子大艾炷灸
蒜上如痒再灸以痛為止漸漸自愈

木鱉子 帶壳炒存 柏葉 焙
人中血 燒灰 青龍骨 即銅牌面
飛羅麵 各一

○瘰癧膏 瘰癧膏 飛羅麵 各一

右俱為末用好陳米醋調成膏塗瘡

上外用紙貼

○瘰癧膏 瘰癧膏 飛羅麵 各一

真香油四兩象皮二錢熬熟去滓入

黃蠟二錢官粉一兩五錢離火燒溫

入沒藥乳香各三錢孩兒茶一兩龍

骨一錢伍分血竭一錢攪勻以磁器

收貯任意貼之

馬刀瘡者頂側有瘡堅而不潰是也

○柴胡通經湯

柴胡 連翹 當歸尾

黃連 黃芩 牛蒡子

三稜 各一 桔梗 二兩 生甘草 一錢

紅花 少許

右剉水煎食後服忌苦藥泄大便

○散腫貴堅湯

治馬刀瘡結核硬如石或

在耳下至頸盆中或至

肩上下或於腋下皆屬手足少陽經及

瘰癧遍於頰下或至頰車堅而不潰

在足陽明所出或瘡已破出水並皆

治之兼治瘰癧瘤大如升久不潰者

昆布 冷水洗 海藻 微炒 黃柏 酒炒
知母 酒浸 天花粉 桔梗 各五錢
龍膽草 四錢 酒炒 三稜 酒炒

我木酒炒連翹

黃連

黃芩酒炒乾葛

白芍酒炒各

升麻各五分柴胡各五分

甘草炙五錢歸尾五分

右剉每一兩水二盞先浸半日煎至

一盞去渣熱服於臥處伸足在高處

頭微低每啜一口作十次嚥下至服

畢依常安回取藥在胸中停蓄之意

也別攪半料作細末煉蜜為丸菽豆

大每服百丸或百五十丸用此藥湯

留一口送下

一婦人癩癧後遍身作痒脉大按而虛

以十全大補加香附治之而愈大凡

潰後于前痒作氣虛午後痒作血虛

若作風症治之必效

一儒者癩癧愈後身瘦發熱晝夜無定

此足三陰氣血俱虛用八珍加來簡

五味三十餘劑又用補中益氣加麥

門五味及六味丸而愈

疔瘡

疔瘡皆生四肢發黃泡中或紫黑必先

啗後痛先寒後熱也

其中或紫黑色有條如紅絲直上倉

卒之際急以針於紅絲所至處必刺

出毒血然後以蟾酥丹藥於刺處塗

之針時以病者知痛出血為好否則

紅絲入腹攻心必至危矣

疔瘡者風邪執毒相搏也

○追疔奪命湯 專治疔瘡

防風 細辛各八分 羌活

獨活 黃連 甘草節

姜蚕各一 赤芍六分 蟬退四分

澤蘭葉五分 青皮 金銀花

獨脚蓮 紫河車 櫻各七分

右劉五錢先服倍金銀花一兩澤蘭

一兩 川芎葉 生姜十片同葉搗爛好

酒釀執泡之去渣熱服不飲酒者水

煎亦可然後用酒水各一半煎生姜

十片熱服出汗病退減後再加大黃

五錢同煎熱服以利二三去餘毒

若有膿加柯首烏白芷稍○在脚加

檳榔木瓜○要通利加青皮木香大

黃梔子牽牛

○龍芽一醉飲 治疔瘡如神

龍芽草五月端午採陰乾將好酒

浸搗取汁量加乳香沒藥菜豆粉入

汁內同飲將渣敷瘡上此日不許吃

一切茶水只可飲酒就洗面亦不可

用水

○秘傳妙方 治誤食鹽牛馬

用柏油樹葉搗爛絞汁一碗頓服

得大瀉毒氣乃愈如冬月無葉控取

嫩根研水服之以利二三為度

○神効丹 即點舌丹 治傷寒初起諸般

身癢痛又治傷風咳嗽身熱勞嗽久

嗽小兒痘瘡黑陷不起喉閉腫痛又

治蠱毒并破傷風

雄黃 朱砂 片腦 各五分

乳香 沒藥 輕粉 各三

血竭 二錢 真蟾酥 一錢 射當門子 二分

右共為末用酥油或乳汁為丸扁豆

大每一丸驗化用好酒嗽下

○飛龍奪命丹 凡疔瘡腫痛散乳癰

惡瘡服之便有頭跡不痛者服之便

痛已成者服之立愈此皆惡証乃藥

中至危者服之立安

雄黃 二錢 蟾酥 乾者二錢 老酒 化開

銅綠 乳香 沒藥 麝香

寒水石 朱砂 研為 血竭 各一

輕粉 片腦 麝香 者各分

興 一條 酒浸炙 蠟牛 二十

右件俱為細末先將蠟牛連殼研如

泥和藥為丸如菘豆大如丸不就入

酒打麵糊丸之每服二十丸用葱白

三寸冷病人嚼爛吐於男左女右手

心將丸藥裹在內用無灰熱酒三四

盃送下於避風處以衣被蓋之約人

行伍里之久再用熱酒二三盃以助

藥發熱大汗為度如重者無汗再進

二丸汗出即効如疔瘡走黃過心者

并出汗冷者難治病人不能嚼者

研爛裹之與服瘡在下食後服在下

食前服忌冷水黃瓜茄子油膩雞魚

肉濕麵一切發物不可食

○神仙解毒丸 治一切疔瘡發背魚口

諸般惡瘡無名腫毒初

發二服即瘳

白礬不拘多少溶化作丸如菽豆大
硃砂爲衣每服十丸用連翹葱七八
根水煎至二碗送下汗出立愈已成
者不傷未成者即消

疔瘡外施之藥

○增酥丹

用大癩蝦蟇以針破眉稜上手捻出
酥干油紙上或桑葉上用竹篾刮下
然後插在背陰處自乾取用

蟾酥以白麵黃丹等分攪和丸如黍
粒狀針破患處以三粒內之

○類聖散

治一切疔瘡惡毒腫痛神效
川烏 草烏 細辛 白芷
蒼朮 薄荷 防風 甘草 各五

右爲細末鷄子清調塗患處留頂

○追毒膏

廣木香 乳香 各五 青木香
沒藥 各一 兒茶 二錢 血竭 一分
芙蓉葉 白芨 各四

右各爲細末勻在一處臨時着瘡
木小以生蜜調塗患處以綿紙附之
不過三五次即消

○疔毒方

急將毒用針刺破葱白搗爛敷上手
怕繫在人行五里之時其疔出然後
用執醋洗淨

○一切反瘡

用黃花苗老葱蜂蜜共一處搗爛貼

瘡即好

○治疥瘡方

核桃仁一箇古銅錢一箇二者細嚼
黃酒送下至死不過二服其効如神

○小奪命散

治腦疽及疥瘡惡毒
無名腫毒其効如神

千頭子

柳掃子 槐花子

地丁

右三味各等分水煎通口温服加糖

酥少許尤妙

○鐵柱杖

治疥瘡發背頭風

用草烏頭不拘多少去皮淨為末用
葱白去鬚葉搗爛為丸豌豆大以雄
黃為衣每一丸先將葱細嚼執酒下
或惡心吐三四口冷水一口止之即
臥以被厚蓋汗出為度

一男子患疥服奪命丹汗不止而瘡不

痛熱不止而便不利此汗多亡陽毒

氣盛而真氣傷矣用參芪歸朮芍藥

防風五味子二劑諸症悉愈惟以小

便不利為憂余曰汗出不宜利小便

汗既止陽氣復而自利矣仍用前藥

去防風加麥門倍用當歸黃芪四劑

便行瘡潰而愈

灸法治疥瘡惡毒用大蒜搗爛成膏塗

腫處四圍留露腫頂以艾炷灸之以

燥為度如不燥稍則難愈宜多灸百

餘壯無不愈者

便毒

便毒一名驂馬癰此奇經衝任為病而

四卷

三十一

癰見於厥陰經之分野其經多血又
各血疔或先有疔瘡而發或卒然起
核疼痛而發皆熱鬱血聚而成也初
發宜疏利之即散成膿後如常用托
裏內補之藥

便毒是厥陰濕熱因勞倦而發用射干
三寸以生薑煎食前服得行二三次
立効凡射干用開紫花者是

便毒者生兩腿合縫之間也

- 歸尾 赤芍 金銀花
- 天花粉 白芷 木鱉子 十箇
- 姜蚕 芒硝 大黃 三錢
- 川山甲 三片土炒成珠

右到一劑好酒二碗煎至一碗次入
硝黃再煎二沸連渣露一宿五更
溫服厚蓋出汗利一二次即愈

○神奇散 治便毒魚口

- 穿山甲 二片土炒 木鱉子 去壳三箇
- 牡蠣 大黃 三錢 黃連
- 黃芩 黃柏 金銀花
- 連翹 各一錢 黃蠟 三錢

右到一劑酒水各半煎空心服

○班白散 班貓 去翅足炒 白芷

右共為細末每服六分空心黃酒送
下即利立効

龍膽瀉肝湯 肝經濕熱或囊癰便
或小便澀滯或婦人陰癢痒痛
或男子陰挺腫脹或出膿水
龍膽草 酒洗 澤瀉 各一錢 水通

車前子 歸尾 酒拌
生地黃 酒拌 黃芩
山梔 甘草 五

右到一劑水煎空心温服

便毒潰破即魚口瘡也

大黃 金銀花 各二錢 姜蚕

川山甲 五靈脂 炒各一錢

右為細末每服三錢空心黃酒調下

立消散 治魚口便毒

大蝦蟆一箇刺去皮連腸搗爛入葱

五錢再搗敷腫處却用皮覆貼其上

下疳

下疳者陰頭腫痛而生瘡也 乃厥陰經主

病宜

消疳敗毒散 專治下疳瘡

防風 獨活 各六分 連翹

荆芥 黃連 蒼朮

知母 各七分 黃柏 赤芍

赤苓 木通 龍膽草 各九分

柴胡 一錢 甘草 稍三分

右到一劑燈草二十四根水煎空心

執服如有便毒量入虛實加大黃一

二錢

○凉血解毒丸 先服升麻葛根湯發其毒毒出後服此丸即愈

不必服輕粉之類

苦參 八兩 黃連 四兩 連翹 三兩

牛房子 生地黃 白朮 各二兩

防風 石膏 各一兩 大黃 二兩

右為末荆芥煎湯打糊為丸如梧桐

子大每服百丸空心温水送下
下疳外治之藥

○珍珠散 治下疳瘡如神

枯白礬 雄黃 珍珠

黃柏 官粉 煨過各等分

右為末以米泔水洗瘡令淨後搽藥

○治疳瘡

爛牛 煨乾一錢 枯白礬 一錢

右為細末濕則乾搽乾則以香油調

付上即愈

○治下疳

并王莖蝕了也長出來如初
去抹上藥也長全有效

黑鉛伍錢化開即投汞二錢伍分研

不見星入寒水石三錢五分真輕粉

二錢五分好礬一錢共為極細末

聽用如遇此患用葱艾花椒熬水洗

患處若怕洗將湯入瓶內將龜頭向

瓶口薰之止了痛再洗拭乾搽上此

藥若治舌咬去先以乳香沒藥煎水

○洗疳湯

川練子 黃連 瓦松

花椒 葱根 艾葉

右剉各等分煎米傾入盆內用青布

展洗瘡上立効

○治下疳

用波硝一碗乳香雄黃孩兒茶各五

分入水燒內外用乾牛糞火煨熟燒

其硝自化薰之晚上使心口涼為度

○下丹方 抱過雞卵殼略炒為末孩

兒茶末各一錢和勻先用茶洗淨後

搽藥

揚梅瘡

楊梅天疱者風濕熱毒也

初起宜

○消風敗毒散

歸尾 川芎 赤芍 升麻

生地黄 乾葛 黃芩 各一

黃連 黃柏 連翹

防風 各八 羌活 金銀花

甘草 各五 蟬退 二個

初服加大黃二錢芒硝一錢半通利

勿用

右剉一劑水煎熟服

毒發出宜

○二十四味風流飲

防風 荆芥 連翹

白芷 稍 歸尾 川芎 各一

赤芍 黃芩 黃連

梔子 地骨皮 五加皮

白蘚皮 木通 木瓜

苦參 金銀花 皂角刺

薏苡仁 蟬退 姜蚕

黃柏 白蒺藜 甘草

上茯苓三斤 膠質者 瘡痛加羌活獨活

體虛加人參茯苓去梔子

右剉作五十劑每日服二劑水煎忌
牛肉燒酒塩宜炒過食則不生癬

○茯苓湯

上茯苓四兩 桔梗 防風 各一
乳香 沒藥 各五

右剉水五碗煎至三碗溫服一日服
盡已茶水諸物五貼全除已鐵器

○茯苓糕

上茯苓去粗皮為細末一斤白蜜一
斤糯米粉一斤三味和勻蒸糕食之
常以茯苓煎湯當茶吃不可飲茶水

○雄黃敗毒丸

雄黃 朱砂 輕粉
孩兒茶 各一 苦參 一兩 淨末

右為細末粳米飯為丸梧桐子大每
服二十九米湯送下日進二服口瘡

兼豆湯

遺毒為患宜

○香鱧湯

茜草 麻黃 烏藥
細茶 魚鱧 同炒成珠
槐子 炒 花椒 各五 乳香 一錢

右剉一劑水二鍾姜五片葱五根煎
至一鍾通口溫服二三貼即愈不發

○通仙五寶丹

凡人病過楊梅天泡棉花等瘡致成
一切難以名狀之疾或楊梅瘡爛見
骨經年不收口者或筋骨疼痛舉發

無時或遍身吃啞不消防手足救破
出血或遍身起皮發癩好一層起
層或赤癩白癩鵝掌風癬或皮好骨
爛口臭難當及久年癩瘡不愈一切
頑瘡惡毒並皆治之

鍾乳粉 三分 大丹砂 二分 琥珀 珎
米片 各五厘 珍珠 二厘半

右為細末每服五厘別入飛白霜二
分半炒過合作一服每十料分作十
二貼每一日用土茯苓一斤用水煎
作十二碗去渣清晨以一碗入藥一
帖攪勻溫服其茯苓湯瀕一日服盡
不可別用湯水并茶日如是服盡
一料以十二日即愈或有不終劑而

愈者如病重瀕再服一料無不愈也

百發百中忌鷄鵝牛肉房事服藥完

不忘 此方乃王池泉遊查廣東傳來
極貴治楊梅瘡乃天下第一今第
一仙方也幸寶之寶之

○西聖復煎丸 治楊梅瘡後腫爛經年
方不効用此丸如神此方
乃扶壽寶錄僧傳珠効

乳香 沒藥 兒茶
丁香 一兩 阿魏 白化蛇
血竭 各四錢 俱為末 白麵 炒一斤

蜂蜜 六兩 香油 四兩 棗肉 木炭 去
煉熟 煎熟 皮枝
右共一處為末搗千餘下丸如彈子

大每用一丸土茯苓四兩水四碗煎

至三碗入丸煎化去粗溫服

○茯苓餅 治遠近瘡癩不斂口並治

防風 人參 五加皮
 白鮮皮 當歸 川芎
 丁皮 木瓜 皂角刺
 海桐皮 乳香 沒藥
 金銀花 甘草 上茯苓
 右共為細末將藥末四兩對麥麩四兩水和一處作餅焙乾熟用不拘時外將末細粗末煎作湯飲以瘡好為度

楊梅天庖愈後疤痕紅黑用大黃白礬二味等分同研擦患處其痕即去色亦如舊

○玉脂膏 治楊梅愈後發背香掌風癬起自皮去一層發二層火不愈者

牛油 香油 枳油
 黃蠟 各一兩化入 銀珠 一錢
 官林 二錢 麝香 五分

以上三味為細末入油內攪勻火烤癰令熟將藥搽上再烤再搽即効
 ○秘方 治楊梅瘡

官粉二錢入一文錢豆腐將粉摻于內重湯煮食立癒
 灸法 治楊梅瘡初起那一箇灸三五壯後不再發

膿瘡

膿瘡腫痛者風執濕毒也

○荆防敗毒散 方見癰疽

○三香膏 治一切癰瘡潰爛至骨疼痛

乳香 二錢

松香 三錢

共為細末用香油調用包棕子的笄葉薄者密密刺孔將藥攤其上用笄葉貼患處藥居中上用完笄葉蓋之帛扎住當時止痛生肌

○黃柏散

治廉瘡濕毒及遍身熱瘡

黃柏 一兩

輕粉 三錢

共為末用猪膽汁調塗濕則乾

○廉瘡膏

并治杖瘡

古石灰 各二錢

枯礬 各二錢

乳香 各二錢

沒藥 各一錢半

血竭 各一錢半

右為細末用桐油一半香油一半先用槐花丁合入內煎黑濾去渣後入

松香三錢煎沸又濾去渣入黃蠟五

錢熬成膏滴水不散為度將藥末於

內再熬黑色滴水成珠即好不問遠

年新發癩瘡先用葱白防風煎水洗

淨付藥其有不平唾津塗指捻藥成

塊填於不平處用油單紙攤膏貼患

處候瘡愈皮老為度搽瘡亦然神効

○隔紙膏

黃香 研爛 輕粉

銀珠 各五錢

冰片 半分

右合研極細末香油調用油單紙攤

先以針密密刺孔將藥攤於孔上夾

干中每貼以孔口向瘡貼先將葱頭

花椒細茶煎水洗淨瘡毒後貼上用

布帶緊扎夏月一日一換冬月二日

一換一洗其臭爛不可聞者不過五貼而愈神効宜忌諸般發物凡難藥

看瘡大小形試攤貼

貼臙瘡方

治不拘新久臙瘡併

花紅縮

燒灰二分

蛾口蠶

燒灰二分

枯礬

一分

珍珠

火煨三分

飛羅白麵

一分

官粉

二分

共研細末用黃蠟兩鎔化入藥用

好紙攤貼神効

臙瘡方

五倍子炒為末加百草霜化黃蠟入

內攤隔紙膏貼之効

一男子腿患癰服尅伐之藥虧損元氣

不能成膿余為托裏而潰大補而飲

若大便結燥用十全大補湯加麥門

五味而潤月餘仍結自服潤腸丸而

瀉不止余用補中益氣湯送四神丸

數服而愈補中益氣湯見補益四神丸見泄瀉

臙瘡小瘻兩臙生瘡漸至遍身發熱

吐痰口燥咽乾盜汗心煩溺赤足熱

日晡益甚形體日瘦此腎經虛火也

用六味丸不月諸症悉退三月元氣

平復方見癰疽

疥瘡

五疥者乾濕虫砂膿也五疥皆由五臟

防風通聖散治風熱瘡疥久

仙子散治遍身瘡疥經年舉發者

威靈仙 蔓荊子 何首烏

荆芥 苦參

右各等分爲細末每二錢食前溫酒

調服日進三服忌發風物

○ 疥靈丹 服此可以除根

苦參 糯米泔浸二兩 白芷

白鮮皮 炒各一兩 枳殼 炒

連翹 羌活 梔子 炒

當歸 荆芥 各七錢

右爲細末煉蜜丸如梧桐子大每服

五十九滾水下

○ 斷根方

治未患瘡疥之前用此服之永不生

瘡或已生瘡服此亦好用田螺不拘

多少以水負熟去腸屎取淨肉用酒

炒熟食之能除丁生之瘡疥也神効

○ 一掃光

桔白礬 一兩 硫黃 七錢 五倍子 炒

花椒 各五錢 砒 二分

右爲末用香油煎鷄子令熟去鷄子

不用只用油調藥搽瘡

○ 金不換 治血風瘡癩疥瘡疥瘡虫瘡

蛇床子 大楓子 去殼 水銀 三錢

白錫 桔白礬 各一錢

右各爲末先將錫化開次入水銀研

欲不見星再入末藥和油共研均搽

瘡宜乾此或無相油臘猪油亦可

○ 治疥癩癬痒先用藥水洗後用薰藥

被蓋薰之

防風 荆芥 馬鞭草 白礬
花椒 苦參 野菊花
右剉水煎服洗

○薰藥

苦參 五錢 蒼朮 三錢 半夏 一錢

大黃 雄黃 各二錢 熟艾葉 一錢

右為末分作筒以熟艾綿紙捲筒每
一筒被蓋薰一筒

○又方

銀珠 雄黃 各一錢 木鱉子 一箇

好香 一錢 艾 三錢

右為細末以綿紙捲筒被蓋留頭在
外薰之大小使亦要包裹

○治男婦小兒遍身生疥癬并脚上瘋

塊痛癢不止
硫黃 蛇床子 白礬 各二錢

水銀渣 三錢

右為細末用生薑汁調擦患處立已
治滿身生牛皮疥癩

花椒 人言 雄黃

艾 一兩 巴豆仁 八箇 大楓子 六箇

右共為細末將艾搥熟入藥紙捲作
二筒每晚薰一筒被蓋留頭在外仍

要包裹大小使免傷毒氣作疔一疔
陰陽放藥盛于中放脚腕下薰甚者

不逾二次愈

○補遺方

祛熱搜風飲 治疥及膿瘡

苦參 金銀花 二味 柴胡

生地 芥子 荊芥

黃柏 炒 黃連 炒六味 連翹

薄荷 獨活 枳殼 炒

防風 五味 甘草 蜜炙為使

右劉木煎食遠熱服

五癬者濕風馬牛也

疥癬皆血分熱 於皮膚浮淺為疥深沈者為癬疥多

○防風通聖散 治諸風癰疥癩瘡

○浮萍散 治諸風癰疥癩瘡

浮萍 當歸 川芎 赤芍

荊芥 麻黃 甘草 各二錢

右劉二劑葱白二根豆豉五六十箇

煎至八分熱服出汗

○治乾濕癬

雄黃 一錢 班貓 七箇 輕粉 四分

硫黃 三分 蛇床子 金毛狗脊

寒水石 各五分 芒硝 三分

右為末香油調搽濕則乾擦

○治鴛掌風癬層層起皮且痒且痛用

此一洗立愈

川烏 草烏 何首烏

天枙粉 赤芍 防風

荊芥 蒼朮 地丁 各一兩

艾葉 四兩

右劉煎水先薰後洗立愈

○又方 治鴛掌風癬

核桃殼 鮮皮 尤佳 鷓鴣糞等分煎水頻洗
立痊

○又方用白豌豆一升入練子同熬水
早午晚洗每七天全愈

○治鴛鴦風并癬

用黑鉛不拘多少打成片熬一炷香
時入菜豆一碗再煮爛去渣以水乘
熱洗數次立効或搽上亦可

○治癩方

用蒜瓣煮水洗浴展乾再用生桐油
搽抹炭火上炙即愈

○治癩瘡方

枯白礬 四錢 朝腦 二錢
為末用極好醋調起將癩抓破搽上
即愈

○治癩瘡方

雄黃 煨過 六錢 川槿樹皮 白礬 各一
右為細末用無根水調在飯鏞上頓
以赤色為度癩瘡不可抓破忌七八
日不可見水神効

右用小磁器罐一箇用塩泥封置雄
黃在內用橙蓋蓋定將鐵線縛緊周
固以木炭灰泥固完封口慢火煨通
半炷香黃并蓋上取用

底瘡

○防風通聖散 方見中風治瘡頭瘡用本
食後飯湯調服月三服至頭有汗効

小兒頭生白瘡瘡

同春

三十九

○陀僧散

鷓鴣糞 一兩炒研 蜜陀僧 五錢

硫黃 一錢 花椒 五錢 人言 半分

右為細末香油渣調搽患處晚間洗去

○治男婦小兒頭生白癩瘡

公雞屎 脂乾半斤 人言 二錢 大煨

塘中黑泥 二兩殺虫 蛇床子 五錢

白礬 煨三錢 在解 硫黃 五錢 殺虫

五倍子 五錢

右為細末先用雞蛋一箇香油煎餅

熟貼在頭上引出虫去盡用白礬焙

子煎水洗一次後用香油調前藥搽

頭上二月搽一次搽過一七即愈

○掃雪膏 治小兒癩瘡

松樹厚皮 燒灰 黃丹 水飛

寒水石 細研各 枯礬

黃連 大黃 各五錢

白膠香 熬飛傾石 輕粉 二分

共為末熟熬油調傳瘡上須先洗淨

瘡痂後傳藥

○治癩瘡黃水瘡薄皮瘡羊鬚子瘡

槐枝不拘多少截四指長用真香油

放鍋內浸過槐枝為止熬數沸將槐

枝拿出一根指兩截看內查黑色通

去槐枝加黃香此須入油搽之

○治癩瘡方

用花椒艾草煮滾湯放深盆內將癩頭

倒放熱湯泡浸如湯冷再換將藥中
洗淨用枯礬黃丹葱汁蜂蜜調搽包
住不許見風

癩風

白癩紫癩一般風 附子硫黃最有功

姜汁調勻加帶擦 但患痒處益無跡

右先將鹿布擦洗患處令淨以加帶

醃擦之一說白癩用白加帶紫癩用

紫加帶

○追風丸 治白癩風

何首烏 荆芥 蒼木 浸

苦參 各等分

右為細末用好大肥皂去皮弦剉碎

煮汁瀝去渣入麪少許打糊為丸如

梧桐子大每服五十九丸空心茶清送

下忌一切動風之物

○治汗斑

用蜜陀僧為細末以隔年陳醋調搽

班上隨手而愈

○治黑白癩風

硫黃 蜜陀僧 各一信六分

以上三味俱生為細末用隔年陳醋

調和搽之二三次即愈晚間搽上夜

早洗去

癩風

癩風者天刑之疾陰陽肅殺之氣侵入

肌膚傷人肢體初起白屑雲頭紫黑

疥瘡流膿甚者鼻崩肉脔致此危矣

初見雲頭皮木就當施治患者屏絕
欲情清淡飲食十活一二否則難治

○通天再造散

鬱金 五錢 皂角刺 黑大 大黃 煨各
白牽牛 頭末六錢 生半炒

右為細末每服五錢日未出時無灰

酒送下而東服之當日必利下惡物

或臭不可近或虫或膿如虫口黑色

乃是多年赤色乃是近者數日後又

進一服無虫乃止

○洗大風方

地骨皮 苦參 荊芥 細辛

防風 蒼耳子

右剉片水煎薰洗遍身血出為効如

洗務要實湯浸洗良久方佳多洗數

次為効

○灸法 治大風斷根方

於大指指節骨縫間約半寸灸三炷
香以出毒氣



○防風通聖散

○隔蒜灸法

治一切惡瘡毒大痛或不
痛或麻木如痛者灸至不
痛不痛者灸至知痛而止其毒隨火
而散蓋火有暢達之義此從形之法
也大有回生之驗

用大蒜頭切三文錢厚安瘡頭上用

艾壯於蒜上灸之三壯換蒜復灸未

成者即消已成者即破太勢不能為

害如瘡大用大蒜搗爛攤瘡上將艾

鋪上燒之蒜敗再換如不痛或不作

膿不起發或除毒瘡更宜多灸而

仍不痛不作膿者不治此氣血虛也

○葱熨法 治虛性人患腫或痛或不

或四肢筋攣骨痛又治流注跌撲損

傷腫痛棒打刺痛及婦人吹乳陰症

腹瀉手足厥冷並治

用葱頭細切杵爛炒乾敷患處冷則

易之再敷腫痛即止如神

○豆豉餅 治瘡瘍腫硬不潰及潰而

用江西豆豉為末以唾調作餅子三

文錢厚置患處上將艾壯灸之乾則

易之如瘡勢大及背發用水漱口水

調作餅覆患處以艾鋪餅上灸之如

未成即消已成即敗其毒勢易愈心如

有不效者氣血虛也

一切無名腫毒

○洪寶丹 治一切腫毒散血消腫及湯

毒火別金鎗打撲血出不止

天花粉 三兩 白芷 各一兩

赤芍 各二兩 鬱金 一兩

右為細末熱毒用茶調冷用酒調塗

患處○血血不止冷水調塗後頸項

上此藥最絕血路

○三白散 治一切腫毒諸瘡癰痛

白芨 各一兩 白礬 煨五錢

右俱為末用時入藥於水碗中即沉

底外用桑皮紙拖水搭於患處熱則

再易連易連搭直待其腫處冰冷將

藥敷上立時消散

○千金消毒散

治一切惡瘡無名腫毒
發背疔瘡便毒初發
赤腫甚實腫甚飲作膿者

連翹

黃芩

赤芍 各二錢

歸尾

金銀花 各二錢
皂角刺

牡蠣

天花粉 大黃

芒硝 各三錢

右剉酒水各半煎服

○祛毒湯

治一切無名腫毒
疼痛初起神效

貝母

川山甲 土炒成珠

姜蚕 各一錢

大黃 三錢半生半熟

右剉作劑水煎熟入好生酒一盞攪
勻空心熱服渣再煎服以利為度

○切惡瘡洗法

○洗毒湯治

一身惡瘡疥癩地層十即

掃帚子用半升煎湯頻浴數次漸愈

○條法洗諸般瘡毒

艾葉

細茶

葱白

桃柳枝

花椒

右剉水煎入鹽少許頻洗

○秋瘡

一杖後即飲童便和酒一鍾以免血攻

心再用熟豆腐鋪在杖紫色處其氣

如蒸其腐即紫復易之須得紫色散

盡轉淡紅色為度

○又方用鳳仙花科連根帶葉搗爛塗

患處如乾又塗一夜血散即愈如冬

月無鮮的秋間收起陰乾的為末水

調塗上亦效一名金鳳花

○又方并打傷皮不破內損者用蘿蔔搗爛罨之

○又方用猪膽汁塗之亦妙

○又方用菜豆粉微炒鷄子清調塗上

○又方用隔年風化石灰不拘多少取

新汲井水一碗銀簪子順攪下餘下

如膏搗翎刷上患處即佳

○烏龍解毒散 已杖之後服此

如人受杖責不拘輕重致於伏不能

動起者及疔甲爛肉連腿前面青疼

痛難忍晝夜無眠渾身增寒壯熱神

魂驚怖此藥可治即時可止疼痛善

能動履及疔甲痛腫其効如神

用木耳四兩入淨砂鍋內炒焦存性

為末每服五錢熱黃酒一碗調服服

藥後坐待少時其藥力行開至杖瘡

上從肉裏面往外透如針刺痒甚不

時流血水或以藥水洗淨貼上膏藥

其杖處疼痛腫硬次日即消

用熟麻油黃酒各二碗同煎數沸服

畢即火燒熱地上一夜疼止消腫無

痕有打傷人者仇家陰令術士以

此治之次日即無一毫傷痕

○救刑妙方

土鱉一箇為末 沉香末二 銀珠五

右三味為末合一處刑後隨用好酒

調溫服消腫去毒止疼神効 隔宿

○退血止痛飲 治杖後腫痛瘀血不散

血氣攻心或增寒壯熱

歸尾 赤芍 生地黃 白芷
 防風 荆芥 羌活 連翹
 黃連 黃芩 黃柏 梔子
 薄荷 枳殼 桔梗 知母
 石膏 車前 甘草 丁加 大黃

右劉劑水煎溫服

○生血補氣湯 治杖後潰爛久不愈者

人參 白朮 炒倍 茯苓
 當歸 白芍 熟地黃
 陳皮 香附 貝母 各等分
 桔梗 甘草 二味 減半

右劉劑水煎服 ○寒熱往來加柴胡

地骨皮 ○口乾加五味子麥門冬 ○

濃清加黃芪 ○膿多加川芎 ○肌肉

○擗瘡疔甲膏藥 止痛收血水

乳香 沒藥 孩兒茶
 雄黃 各三錢 輕粉 一錢 官粉
 黃蠟 各一兩

先將豬脂入鍋煉出油冷定却將諸
 藥研成細末入油攪勻隨將黃蠟化
 開收入一處又攪勻用油單紙攤成
 膏藥貼患處量筒大小貼之極能去
 疔甲收膿水消腫止痛 內宜前
 此藥水洗好的更快

防風 荆芥 苦參

各等分煎水洗

○生肌散 用前藥水洗後擦藥

乳香 沒藥 孩兒茶
各等分爲細末撒上一即止痛生肌

○去疔甲藥

用鷄子清加麝香以許銀簪打成稀水照疔甲處輕輕用簪子尖點上上不多時其疔甲化爛取去上散藥外貼膏藥一日一換化盡死肉之後三四日換一次不數日如初

○鬱金膏

貼於瘡一切腫毒

生豬脂

熬去渣淨油一斤

鬱金 四兩

生地黄

皂角

黃蠟

半斤

花開

又入好朝腦

一兩藥

攪入每用一兩加官粉

一錢溶化

攪勻攤油單紙上貼之

○英雄丸

乳香

沒藥

蜜陀僧

自然銅

煨紅

碎七次

地龍

焙乾

花柳

各等分

木鱉子

去壳

右爲末煉蜜爲丸如彈子大每一丸以酒化服或臨刑方用打不覺痛任打血不浸心妙不可言

折傷

折傷者多有瘀血凝滯也

○通導散

治跌撲傷損極重大小便不通

乃瘀血不散

肚腹膨脹上攻心腹悶亂至外者先服此藥打下

瘀血瘀血然後方可服補損藥不可用酒煎愈不通矣亦量人虛實而用

大黃 芒硝 枳殼 各二錢
厚朴 當歸 陳皮 木通
紅花 蘇木 各一錢 甘草 五分

右剉一劑水煎熱服以利為度惟孕婦小兒勿服

○麥斗散

治跌傷骨折用藥一匣黃酒調下如重車行十里之候其骨接之有聲初跌之時整理如舊對在綿衣蓋之勿令見風方服藥休移動端牛日製忌婦人雞犬等物孫都督傳

土鱉 一箇 煎 巴豆 一箇 去壳

半夏 一箇 生用 乳香 沒藥 各半

自然銅 七次用 醋 碎

右為細末每服一匣好黃酒送下不可多用多則補得高起神効

○天靈散

天靈蓋用柴火燒存性為末每一錢黃酒調服神効

○接骨効方

山梔 生為末 五分 飛羅麵 三錢

姜汁調和搽患處一日夜皮肉青黑是其驗也○一方治跌撲傷損逆氣

作腫痛不可忍者用梔子白麵為末井水調搽乾則掃水即効

○接骨膏

當歸 七錢 川芎 骨碎補
沒藥 各五錢 乳香 二錢 廣木香 一錢

川烏 煨 四錢 古錢 三錢 火煨

黃香 六兩 香油 一兩 五錢

右先將各藥為末和油成膏用油紙

攤貼患處如骨碎筋斷用此復續如

初

○白膏藥 治跌打或刀斧所傷候血盡
用葱花椒煎水將患洗淨拭
乾敷藥不必包裏其效如神

白芨 兩 猪脂油 六 芸香

樟腦 各日 輕粉 乳香

沒藥 孩兒茶 錢片 五分

右各為末將油銅化開先下白芨

次下芸香樟腦兒茶一二時取出離

火方下乳香等藥候冷又下片腦

輕粉此方不但生肌凡瘡毒皆可貼

之膏成將磁罐內成之每用油紙攤

貼患處

○接骨散 治跌打損傷能接筋續骨

用當昔子不拘多少微炒碾細末每

二三錢同好酒調服

○接骨方

白茯苓炒為末母服一錢執酒調下

被蓋汗出即愈

○神效葱熨法 治跌打傷損

用葱白細切杵爛炒執敷患處如冷

易之腫痛即止其效如神

○一人墜馬腹內作痛飲酒數盃早太

便自下瘀血即安此元氣充實挾酒

執而散也

○一男子墜馬腹有瘀血服藥下之致發

執盜汗自汗脈浮滿余以為重劑過

傷氣血所致投以十全大補湯益甚

時或謔語此藥方未及而然也以前藥加炮附子五分服之即睡覺來頓安再劑而痊

金瘡

○熱粘皮 治金瘡出血不止

龍骨 煨三錢 五倍子 二兩半 生半炒

白礬 生半炒 無名異 各一兩

乳香 沒藥 各二錢

右共為末乾摻患處小作膿不怕風立時止血任痛生肌如神

○軍中一捻金 治金瘡傷破出血不止

礦古灰不拘多少炒研生韭菜連根同搗作餅陰乾為末摻上止血生肌

○出箭方

花並石其形似硫黃出在彼州有白班點者一味火煨七次為細末撒在傷處周圍箭頭即出

○止痛生肌散 治刀斧傷出血不止

乳香 沒藥 兒茶

象皮 炒 龍骨 水飛 石膏 煨水

黃丹 水飛 三七

右八味各等分共為細末用之

○金瘡出血不止

用楮樹葉為末搽上血即止

梁閣老姪金瘡腫痛出血不止寒熱口乾此氣虛血無所附而血不歸經也

用補中益氣湯五味麥門主之陽氣復而愈

方見癰疽

破傷風

破傷風症河間云風者善行數變入臟甚速死生在反掌之間宜急分表裏虛實而治之

破傷風邪在表者則筋脉拘急時或寒執筋惕搐搦脉浮弦也宜散之

羌活防風湯 治破傷風邪初在表者急服此藥以解之稍遲則邪入於裏與藥不相合矣

羌活 防風 甘草 川芎

藁本 當歸 白芍 各一錢

地榆 細辛 各五分

右剉一劑水煎服

破傷風邪在半表半裏者則頭微汗身無汗也宜和之

○羌活湯 治破傷風在半表半裏者急服此湯稍緩邪入於裏不宜用

羌活 菊花 麻黃 川芎

石膏 防風 前胡 黃芩

細辛 甘草 白茯苓

枳殼 蔓荊子 各五分

薄荷 白芷 各二分半

右剉一劑水煎服 破傷風邪傳入裏者舌強口禁頂皆反

張筋惕搐搦 痰涎壅盛胸腹滿悶便數而法也宜道之

○大芎黃湯 治破傷風在裏宜

川芎 羌活 黃芩 大黃 各二錢

右剉一劑水煎溫服臟腑通和為度

一人關脈弱被打破傷風頭面腫大

發熱以九味羌活湯熱服取汗外用
杏仁搗爛入白麴少許新汲水調付
瘡上腫消熱退而已

○金刀如聖散 治破傷風

蒼朮 八錢 白芷 川芎

細辛 麻黃 各五錢 川烏 炮

草烏 炮 各四錢 薄荷 一錢

右為末每服一錢熱黃酒調服蓋覆
遍身汗出有驗如治痛風加滴乳香

一錢

○玉真散 治破傷風及金刀傷打撲傷
癱瘓 癱瘓 咬傷 能定痛生肌

天南星 防風 各等分

右為末破傷風以藥敷瘡口然後以
溫酒調一錢如牙關緊急角弓反張

用藥一錢童便調下

一打傷欲死但心頭微溫以童便灌

下二錢并進二服

一癩狗咬破先口嚼漿水洗淨用綿

拭乾貼藥更不再發無膿大有功

○一方 治破傷風

槐子 一合炒黃好酒一碗煎八分熱

服汗出為愈

○一方 治破傷風

用野蘇子半生半炒為末煉蜜丸如

指頂大每服一丸熱黃酒下

破傷外治之法

○治跌打破頭面及刀傷破手足太口
血流不止

瀝青即松香不拘多少碾為細末將所傷破瘡口用手捏湊一處用藥末厚敷上將淨布帛扎住不怕風不懼水旬日即痊

治破傷風

甘草遂各等分研成末將蜂蜜并隔年老葱頭共搗一塊將瘡甲搗起微將麝香先撒於上然後搭藥在上點香至四寸渾身汗出即愈

灸法 治破傷風及癩狗咬

用核桃殼半邊內填穉人糞滿仍用槐白皮糊損傷處用艾灸桃壳上灸之若遍身汗出其人大困即愈若年遠只在瘡上灸之亦愈

湯火

治湯火傷

蛤蠣殼不拘多少炙煨黃色研細末用生香油調膏敷之如水仍無痕跡一方以蠶調敷之疼立止不膿不痂

治湯火傷

用桐油一分水一分攪令勻調入黃丹石膏末敷之効

黃白散

用榆樹根白皮為細末二兩黃丹二錢攪勻着瘡大小用井花水調勻敷患處若乾再以凉水敷之不惟止痛三五日即痊或人家失火燒了牲畜

照車處塗之源使流水出可治不流水是燒得太重不可治也然人被燒亦同此斷

○湯火瘡方

槐子燒灰為末香油調上即好用槐皮炒為末香油調上亦好

一男子火傷兩臂嫩痛太小便不利此火毒傳於下焦用生地黄當歸芍藥

黃連木通山梔赤茯苓甘草一劑二便清利其痛亦止乃以四物參芪白

芷甘草而壞肉去又敷劑而新肉生一男子因醉被熱湯傷腿潰爛發熱作

渴飲水脈洪數而有力此火毒為患用生地黄當歸赤連木通葛根甘草十

餘劑諸症漸退却用參芪木芍歸芍灸草白芷木瓜新肉將完因感忽寒

熱此氣血虛而然也仍用參芪之藥加五味酸棗而安又月餘而瘡痊

一人夜間回祿烟薰致死者以蘿蔔搗汁灌之即甦



一狗咬傷

杏仁甘草口嚼格傷處又宜銀杏塗傷處○又宜葷蒜子五十粒去殼以

井花水研成膏先搵水洗傷處後敷此藥

一癩狗咬傷

用班貓七箇去翅足為末酒調服於

小便桶內見衣沫似狗形者為効如
無再服須六七次無狗形亦不再發
甚効○又宜以班猫去翅用糯米一
撮同炒黃去米將班猫研末麪糊丸
如菘豆大每七丸溫酒下○又宜番
木鱉即馬前子磨水吃即着腦頂上有紅
頭髮急宜摘去○又宜用艾炙蒜切
片一上二七炷五倍子末撒上面勿
見風

一蛇咬傷

用雄黃五錢五靈脂二兩共為末每
服二錢好酒調服仍敷患處良久再
進一服○又宜貝母去心好酒服○
又宜白芷為末麥門冬湯調服立愈

○又宜扛板歸

不拘多少其藥四五
月生至九月見霜即
無葉尖青如犁頭尖樣藤有小葉有
平圓黑如嚼味酸用藤葉搗汁酒調
隨量服之用渣搗碎立愈

○又方治蛇咬食蒜飲酒更用蒜杵爛

塗患處加艾於蒜上灸之其毒自解
凡毒虫傷並効

一蝨螫傷

○妙化丹

治蝨螫蛇傷宜端午日
製忌婦人雞犬見之

乳香

沒藥

輕粉

海漂消

雄黃

硫黃

右為細末左邊被傷點左眼右邊被

傷點右眼神効

○六神散

治蝨螫疼痛不可忍有

川烏

草烏

南星

半夏

香白芷

九節菖蒲

右為末每用少許先以涎洗抹傷處
即將此藥擦之立止如神

一蜘蛛咬成瘡

用雄黃一錢麝香半分為末用葛監
汁和塗瘡上如無葛監汁以青黛五分
入水內和塗之立愈

○治蝎螫方

川烏

草烏

狼毒

半夏

南星

雄黃

膽礬

各三錢

右共為細末五月五日午時以醋糊
丸如鼠糞大塗患處立愈

一臭虫方

用蕎麥楷熬水淋其虫即死

○蟬花散

治夏月大傷及諸損傷

晉州吳推府佃客五月收麥用驟車

搬載一小斷引頭被一驟跑倒又咬

破二三處痛楚不可忍五七日膿水

臭惡難近又蛆蠅極盛藥不能救無

如之何臥于大門外車房中一化飯

道人見之云我有一方用之殊効我

傳與汝修合服之蛆皆化水而出蠅

亦不敢近又以寒水石末敷之旬日

為神故錄之

蟬退

青黛各五錢

蛇退

一兩燒存性

華陰細辛

一錢五分

右為細末每服三錢黃酒送下

甲毒

脈人為百毒所中傷其脈洪大者生微細者死又曰洪大而遲者生微細而數者死

○大凡百毒所中

用茸草菘豆水煎服之能解百毒

○又方不問一切諸毒急宜多灌香油無慮

○解毒丹 治砒毒若飲食中者煎酒中得者難治若在胸中作楚可吐急用膽礬三分研末灌之即吐若在腹中宜下後服此

黃丹 水粉 青黛

焰硝 菘豆粉 各等分

右為細末以小藍接水調下○腹痛倍黃丹豆粉井花水調下

○解砒毒神方

用江四豆豉一兩乾蚯蚓一兩為末涼水調服不拘多少立效○又宜用

黃連煮水取汁去渣熬成膏子用黑牛膽停對加蜜少許調稠得所入磁瓶內每月涼水化下入口即活雖不言但心口動者還活得○又宜硫黃

四錢菘豆粉五錢共為末冷水調服緩緩服之冬月溫水服如肚痛再加

一服待不痛用鷄毛探吐吐後用溫溫稀粥啜下四五日不可食飯

○慢吞木屑捨喉不下死在須臾用鐵

磨水灌下即効

○慢吞銅錢銅物多食核桃或葶藶其

銅白爛

○懼吞針蚕豆者熟同菲菜吃下針同
聚從大便而出

○懼吞水蛭宜食蜜即化為水○又宜
用田泥作丸如櫻桃大每十丸白水
下水蛭即抱泥同下○一方用濃茶
多服亦效

○懼吞金銀銅鐵等物不能化者以秘
仁濃煎湯服之其物自下

○白衣丸 治男婦小兒懼吞來針刺
寢閉腫痛死在須臾

烏賊骨魚 白茯苓 砂仁

山豆根 甘草 姜蚕 麝香

簪伸 五錢 礞石 麝香

珍珠 象牙 腦子 各少

右為細末飛羅白麪打糊凡梧桐子
大用蚌粉為衣陰乾每用二丸冷水
浸化頗頻嚥服又將一丸口噙化吞

○治懼食粉毒用伏龍肝水為丸百草
霜為衣淋稈灰水送下即解

一男子偶然低頭往暗處藏身不言問
亦不吞飲食俱背人竊食人見之則
食不下諸人以為中邪用三牲祭之

其物經宿乃妻食之病亦如是諸醫
莫識予思必中鼠涎蓋鼠涎有大毒
也以吳茱萸塞入貓口貓涎自出將

茱萸令夫婦服之悉愈

一藥室家人正割藥忽仆地不省人事

諸人以為中風癱厥乃訛於余予曰此非病也必藥氣薰蒸中於藥毒令與甘草煎湯灌之立醒

婦人將燒酒貯于錫壺內經旬取服

止飲一小鍾即醉悶不省眾莫識其

症予曰此中鉛毒也令以陳土攪水

澄清入甘草煎湯灌之即醒

胃腹

○神仙釣骨丹 治諸骨癭喉其骨自隨

朱砂 丁香 各一錢 血竭

磁石 龍骨 各五錢

右為細末黃蠟二錢為丸朱砂為衣

每服一丸香油煎好醋吞下如要吐

用矮荷煎好醋吃後用濃茶任服如

無發荷以桐油代之

○治諸骨癭喉以象牙末吹之妙○又

宜將狗倒吊起涎出碗盛徐徐嚥下

其骨化水如神○又宜燈心以竹筒

填滿火燒過取燈心灰用米糖化開

調灌下勿犯牙

○治骨癭白飴糖大口嚼嚥即下○又

宜研砂大塊者水洗淨日夜嚥化嚥

其骨自軟

治鷄骨白骨癭用霜梅肉槌成指大

作丸子將綿裹用線穿在內冷茶送

下扯住線頭在手一嘔即出○又宜

胡荽略搗拌醋并渣嚥下即解

五絕

同春

五五

五絕病者一曰自縊死氣已絕二曰墻壁屋崩壓死氣已絕三曰溺水死氣已絕四曰鬼魘死氣已絕五曰產乳死氣已絕並可救治又治室死井中風不省人事等証半夏為末如黃豆大吹入鼻中即活心頭溫者一月可治

○一自縊死者自且至暮雖已冷仍可治自晨至日則難此陰氣成故也然夏月夜短於晝又執猶應可治又云心下若微溫者一日已止猶可治之當徐徐抱解不得截繩上下安被卧之一人以脚踏其兩肩手挽其髮常令肢急勿使縱緩一人以手按據胸上數摩動之一人摩將臂脛屈伸之若已僵直但漸漸強屈之并按其腹如此少頃雖得氣後口出呼吸眼開仍按莫置亦勿勞之須臾可以溫飲粥灌之更令兩人以管吹其兩耳此法最効

一自縊者切不可割斷繩宜以膝蓋或用手厚裹衣物緊頂谷道抱起解繩放下探其項痕搗鼻及吹其兩耳待其氣回方可放手若便泄氣則不救矣

一自縊死者宜從容安定心神徐緩解下慎勿割斷繩抱取心下猶溫者刺雞冠血滴口中即活男用雌女用雄

○一方鷄尿白如糞大酒半盞和灌
吸鼻中无妙千金方以藍汁灌之餘
法同上

○卒墮壓倒打死心頭溫者皆可救將
本人如僧打坐冷一人將其頭髮控
放低用半夏末吹入鼻中如活却以
生姜汁清油攪勻灌之

○一救溺死方取竈中灰兩担埋之從
頭至足水出七孔即活

○一溺水者放太堯上臥着將脚後登
站起二磚却蘸鹽擦臍中待其水自
流出切不可倒流水出此數等但心
頭微熱者皆可救治○又方溺水死
者過一宿尚活搗皂角末綿裹內下
部須臾水出即活

○一枚鬼魘死不省并中惡者皂角為
末如菜豆大許吹入鼻中即嚏則氣
通而活

一魘死不得近前喚但痛咬其脚跟
及唾其面不省者移重些少臥處徐
徐喚之元有燈則存無燈則不可點
燈用皂角末吹兩鼻即活

一卧忽不悟勿以火照之殺入但以
痛齒大姆指甲際而嚼其面則活取
韭汁吹鼻孔冬月用韭根搗汁灌口
中

一卒魔用雄黃末吹鼻孔中即活
一從高墮下瘀血冲心欲死

淡豆豉一盞水煎去渣服若便覺氣
絕不能言取藥不及擊開口以熱小
便灌之

一救冬月墮水凍死凡四肢冷口不能

言只有微氣者不可便以火灸用布

袋盛熱灰放在心頭冷即換熱者待

眼開却用溫酒或姜湯灌之

一救挾暑死不可使冷水冷之即死宜

用溫湯常摩洗其心腹間如路途急

切用路上熱土置腹臍間令人更尿

其臍中即活一用路上熱土太熱等

瓜搗研水調去渣飲之

膏藥

彰德府 趙王府秘傳

○萬病無憂膏

治風寒濕氣所傷跌撲閃挫傷損一

切疼痛皆貼患處心腹痛俱貼患處

穿乳喘嗽貼背心瀉痢貼臍上頭疼

眼痛貼太陽穴及治一切無名腫毒

癰疽發背疔瘡癤毒流注濕毒腫瘡

初覺痛痒便貼患處即消已成亦能

止痛補膿長肉生肌百發百中其功

不能盡述

川烏

草烏

大黃

各六錢

當歸

赤芍

白芷

連翹

白欬

白芨

烏藥

官桂

木鱉子

各八錢

槐桃

柳桑

棗枝

各四錢

加苦參皂角各五錢

右劉散用真香油二斤浸藥一宿用

火熬至藥焦色以生絹濾去渣不用

將油再熬一滾入飛過黃丹十二兩

炒過陸續下槐柳棍攪不在手滴水

成珠為度離火次入乳香沒藥末各

四錢攪勻收貯退火毒聽用一方加

蘇合香二錢尤妙

萬應紫金膏 治跌撲傷損手足肩背

并寒濕脚氣風毒痛不

瀝青 二斤半 威靈仙 二兩

草蘇子 一百粒 木鱉子 二十箇

乳香 一兩 箬著 灸為末

沒藥 一兩 黃蠟 二兩

生薑 二斤 搗汁一碗

生葱 搗汁一碗

麻油 靈仙熬去渣滴水不散為度

右將瀝青研末同二汁下鍋熬化看

二汁盡時却起火桃柳條不住手攪

却入前靈仙油同熬再下水鱉子草

蘇子搗勻入內攪勻又下乳沒黃蠟

再攪即成膏矣每用好厚綿紙攤貼

先將姜擦患處後貼上即用烘熱鞋

底罅之瀉痢貼丹田咳嗽吐血貼背

心心疼貼心上風損貼患處

海仙膏 治風損諸瘡癰腫毒金効

赤葛 苦參 各等分

右一味銼片用香油浸過煎至焦枯

瀝去渣秤香油一斤淨再煎沸徐徐
入蜜陀僧水粉各四兩

○于槌膏

松香 照淨者不粉 革蘇子仁同入石
相內搗爛成膏如稀則加松香如稠
則加麻仁須要稀稠得所取出入木
中批投數次再入乳香沒藥血竭孩
兒茶各為末以許煎膏加輕粉龍骨
再批令勻磁器收貯每用時重湯化
開綿帛攤上貼患處神效

通治

尹蓬頭祖師秘傳混元丹

專治大人小兒諸虛百損五勞七傷

小兒百病隨後引用之

詩曰

百花未放此花先 修合成丹號混元
能除腹內諸般疾 安神定志最延年
嬰兒胎毒驚風症 疳積瀉痢嘔痰涎
立奏奇功真可羨 老無風疾少無癩

又曰

乘鶴西風出華州 袖藏千載混元球
紅鉛黑汞東西產 白雪黃芽次第收
孔子泣麟周道否 卞和識玉楚王休
藥中消息誰人會 脫却紅塵自在遊

混元衣 乾者二錢
按中央

梅花 三錢按北方
雪解痘元放一兩

辰砂 甘草一兩水黃過半日一兩
研細為衣按西方去甘草

滑石 六兩 牡蛎皮 二兩 煎水 去丹
皮用汗黃乾為度按北方

甘松 四錢 去毛 按秋金

粉草 一兩 去皮 按東方
莪朮 二錢 火煨 過按東方

縮砂 三錢 去皮 按西方
益智仁 六錢 去殼 按西方

人參 一錢 去蘆 按東方
木香 一錢 按南方

黃芪 一錢 按西方
山藥 二錢 五分 按北方 姜汁炒

香附 一兩 按東方
桔梗 去蘆 一錢 按東方

白茯苓 二錢 五分 去皮 按北方

白茯苓 二錢 五分 去皮 按北方

遠志 一錢 五分 甘草水 泡去心

麝香 三分 按中央
乳玄 二分 按中央

空箇玄 一錢 按西方
金箔 三帖 為衣 按西方

右共為細末 煉蜜為丸 如龍眼大量

人大小加減 凡數用之

中風痰厥不省人事 姜湯研下

傷寒夾驚發熱 葱姜湯研下 宜出汗

停食嘔吐 太便酸臭 腹脹 姜湯下

霍亂紫蘇木瓜湯下

赤白痢裏急後重 陳倉米湯下

太便去血 槐花陳倉米湯下

小便不通 車前子湯下

夜出盜汗 浮小麥湯下

發熱金錢薄荷湯下

瘰癧不出 升麻湯下

中暑煩渴 燈心湯下

喘急咳嗽 麻黃杏仁湯下

積聚腹痛 姜湯下

虫痛苦練根皮湯下

疝氣偏墜小苗大苗湯下

夜喘不止燈心灰湯下

急驚搐搦薄荷湯下

慢驚入參白朮湯下

諸病後無精神少氣力不思飲食姜棗湯下

棗湯下

胎寒手足冷口氣涼腹痛腸鳴姜葱湯下

湯下

面目四肢浮腫面黃茯苓皮陳皮桑

白皮大腹皮姜皮湯下即五皮散

瘡疾槐柳枝各五寸姜三片煎熟下

宿五更溫熱送下

疝熱身瘦肚大手足細大便或淋或

泄小便如泔陳倉米湯下

敷封通微顯化真人即赤脚張三降神仙所授

○神仙萬應丸

朱砂透明鏡面者佳巴豆去壳心膜

寒食麵餅不擗多少好酒和麵

一匙包細乾麵在內黍熟鹽用

右各伍錢先將硃砂研極細以入巴

豆又研極細却將寒食麵去包皮取

內細麵用好酒打成糕蒸熟入藥內

仍又同研百餘下為丸如黍米大每

服三五丸者入太小加減用之各隨

證引用于后

感冒風寒發熱姜葱湯下出汗

內傷飲食生冷茶下

心痛艾醋湯下
腹痛淡姜湯下

霍亂吐瀉薑湯下

赤痢茶清下
白痢姜湯下

赤白痢疾姜茶湯下

癩疾作寒熱姜湯下

心膨氣脹薑湯下

伏暑傷熱冷水下

諸虫作痛苦練根皮湯下

積聚發熱茶清下

大便閉結茶清下

小便不通燈心湯下

咳嗽痰喘姜湯下

急慢驚風薄荷湯下

○神應救苦丹 治諸風百痛如神

大川烏 炮 肥草烏 炮 蒼朮

青皮 去穢 生地黄 西藥

枳殼 炒 白芍 各五錢 五靈芝 二兩

右共為細末酒打糊為丸如彈子大

每服一丸細嚼執酒送下汗出即効

若為小丸亦可不飲酒者冬月熱水

下

一治頭風腫痛 心腹痛

脚根痛 痺氣痛

手背痛 遍身骨節痛

破傷風痛 棒瘡痛

癰疽發背及一切惡瘡痛

奇病

一頂上生瘡如櫻桃大有五色瘡破則

皮斷但逐日飲牛乳自消

一寒熱不止經月後四肢堅如石以物擊之一似鍾磬日漸瘦惡用茱萸木香等分煎湯飲即愈

一太腸頭出寸餘痛苦直候乾自退落

又出名為截腸病若腸盡乃不治但初截寸餘可治用脂麻油器盛之以

腎坐之飲天麻子汁數升愈

一口臭中腥臭水流以碗盛之有鐵色鰕魚如粳米大走躍不任以手捉之即化為水此肉壞矣任意饌食雞肉

愈

一腹上麻痺不仁多煮葱白吃之自愈

婦人小便中出太糞名交腸服五苓散效如沫盡愈可用舊襍頭燒灰酒服之

一兩足心凸如腫上面生黑色豆瘡硬如釘子釘子履地不得脛骨破碎眼

髓流出身發寒顛唯思飲食此是肝腎氣冷熱相吞用炮川烏頭未傳之煎韭子湯服効

一腹脹經久忽瀉數升晝夜不止服藥不驗乃為氣脫用益智子煎濃湯服

立愈

一四肢節脫但有皮連不能舉動名曰經解用酒浸黃蘆三兩經一宿取出

焙乾為末每服二錢酒調下服盡安

一玉莖硬不痿精流無歇時時如針刺

捏之則脫乃為腎滿漏疾用韭子破

故紙各一兩為末每服三錢水一盞

煎至六分作三次飲之愈則任服

咽喉間生肉層層相疊漸漸腫起不

痛多自乃有竅子臭氣自出遂退飲

食用臭橘葉煎湯連服愈

一腹中如鐵石臍中水出旋變作虫行

之狀繞身匝啄痒痛難忍撥掃不盡

用濃煎蒼朮浴之以蒼朮末入麝香

以許水調服痊

一眼前常見諸般禽虫飛走以手捉之

則無乃肝膽經為疾用酸棗仁羌活

玄明粉青箱子花各一兩為末每服

二兩水一大盞煎至七分和渣飲下

日三服

一太腸虫出不斷斷之復生行坐不得

用鶴虱末水調五錢服之自愈

一眼睛睛出至鼻如黑角色痛不可忍

或時時大便出血名曰肝脹用羌活

煎汁服數盞自愈

一腹中有物作聲隨入語言用板藍汁

一盞分五服服之又名應聲虫當服

雷丸自愈

一有飲油五升以來方始快活又得吃

則安不爾則病此是髮入胃被氣血

裹了化為虫也用雄黃半兩為末水

調服虫自出如虫舌者置於油中浸

巡間連油澄之長江

一治臥於床四肢不能動只進得食好
太言說吃物謂之失說物望病治法
如說食猪肉時便云爾吃猪肉一頓
病者聞之即喜遂置肉令病人見臨
要却不與吃此乃失他物望也當自
睡中涎出便愈

一 手十指節斷壞惟有筋連無節虫行
如燈心長數尺餘遍身綠毛卷名曰
血餘以茯苓胡黃連煎湯飲之愈
一 遍身忽皮底混混如波浪聲痒不可
忍狐之血出不能解謂之氣奔以入
參苦杖聲搵細辛各一兩作一服水
二碗煎十數沸去渣盡使愈
一 眼白渾黑見物依舊毛髮直如鐵條

雖能飲食不語如醉名曰血潰用五
靈芝為末二錢酒調下

一 著艾炙訖太麻便退落瘡內鮮肉片
子飛如蝶形狀騰空去了痛不可忍
是血肉俱執用大黃朴硝各半兩為
末水調下微利即愈

一 臨臥渾身虱出約至五升隨至血肉
俱壞每宿漸多痒痛不可言狀雖喫
承臥床晝夜號哭舌尖出血不止身
齒俱黑唇動鼻開但飲鹽醋湯十數
碗即安

一 眼赤鼻孔大喘渾身出班毛髮如銅
錢乃胃中執毒氣結於下焦用白礬
滑石各一兩為末作一服水三碗煎

至半冷不任飲候盡乃安

一有虫如蠲是於皮膚下作聲如小兒啼為筋肉之化用雄黃雷丸各一兩

為未椹在猪肉片上執吃盡自安

一手足甲忽然長倒生肉刺如錐痛不可忍吃葵菜自愈

一鼻中毛出晝夜可長一二尺漸漸粗

圓如繩痛不可忍雖忍痛摘去一莖即後更生此因食猪羊血過多遂用

乳香礪各一兩為末以飯丸如梧子大空心臨臥各一服水下十粒自然退落

一面上及遍身生瘡似貓兒眼有光粉無膿血但痛痒不常飲食減少久則

透脛名曰寒瘡多吃魚鷄非忽自愈

一腸破腸出臭穢急以香油摸腸用手送入煎人參枸杞淋之皮自合矣喫

羊腎粥十日即愈

一鼻中氣出盤旋不散涎如黑黑色過

十日漸漸至肩胸與肉相連堅勝金鐵無由飲食此多因瘧後得之煎澤

瀉湯日飲三錢連服五日愈

一遍身忽肉出如錐既痒且痛不能飲食此各血擁若不速治潰而膿出以

青皮葱燒灰淋洗喫豉湯數盞自安

一眉毛搖動目不能視交睫晚之不應

但能飲食有經日不効者用蒜三兩取汁酒調下即愈

一毛竅節次血出若血不出皮脹膨如鼓須臾眼鼻口被氣脹合此名脉溢飲生姜水汁各一盞即安

一勿然氣上喘不能言語口中汁流吐逆齒皆搖動氣出轉大則悶絕蘇復如是名曰傷寒併執霍亂用大黃人參末各半兩水三盞煎至二盞去渣執服可安

一曰內生肉迷臭惡身已惡見有根線長五寸餘如斂股吐衄出飲食了却吞其線以手輕捏痛徹於心因不可言用水調生麝香一錢服二百驗

一渾身生潦泡如甘棠梨每箇破出水內有石一片如指甲大泡復生抽盡肌肉不可治急用荆三稜蓬莪木各五兩為末分三服酒調連進愈

一頭面發熱有光色他人手近之如火燒用蒜汁半兩酒調下吐如蛇狀遂安

一人自覺自形作兩人益卧不別真假不語問亦無對乃是離魂用辰砂人參茯苓濃煎湯服之真者氣爽假者化也

一男子自幼喜飲酒至成下後日飲一斗二升不醉片時無酒叫呼不絕全不進食日就衰弱其父用手巾縛住其手足不令動搖但扶以立卻取生辣酒一盞就於其子口邊打開其酒氣

衝入口中病者必欲取飲堅不可與
之須臾口中忽吐物一塊直下墜中
即用紙封裹摺口用猛火燒滾約酒
乾一半即開視之其一塊如猪肝樣
約三兩重週回有小孔如針眼不可
數計棄之於江飲食復舊雖酒不
能飲矣

一 夜間飲水悞吞水蛭入腹經停月餘
日必生下小蛭能食入肝血腸痛不
可忍面目黃瘦全不進食若不早治
能令人死用田中乾泥一小塊歛魚
三四箇將猪脂溶攪勻用巴豆十粒
去殼膜研爛入泥內為丸菜豆大用
田中冷水吞下十九小兒只用二九

至五九須更大小水蛭一時皆濕出
却以四物湯加黃芪煎服生血補理
方見補益

一 婦人產後忽兩乳伸長細小如腸再
下直過小肚痛不可忍危急須臾各
日乳懸將川芎當歸各二斤半斤剉
散於瓦石器內用水濃煎不拘時候
多少溫服餘一斤半剉作大塊用香
爐慢火逐旋燒烟安在病人面前泉
子下要烟氣在上不絕令病人低伏
泉子上將口鼻及病乳常吸烟氣直
候用此一料藥盡者病證如何或未
全安略縮減再用一料如前法前服
及燒烟薰吸必安如用此一料已盡

雖兩乳略縮上而不復舊用冷水磨
草麻子一粒於頭頂心上塗片時後
洗去則全安矣

一婦人臨產服催生藥驚動太早夫肉
離經而用力太過以肩膜有傷產後
水道中弄出肉線一條約三尺長牽
引心腹痛不可忍以手微動之則痛
欲絕先服失笑散數服仍用老生薑
三片淨洗不去皮於石鉢白內研爛
用清油二斤拌勻入鍋內炒熟以油
乾焦為度先用熟絹段約五尺長摺
作結方令穩重婦人輕輕成起肉線
使之屈曲作一團納在水道口卻用
縮袋兜裏候油姜稍溫傳在肉線上

薑薑漸冷又用熨斗火熨熱使之
常有姜氣如姜氣已過除去又用新
者如此薑熨一日一夜其肉線已縮
大半再用前法越兩日其肉縮盡入
腹中其病全安却再服失笑散等歸
湯補理切不可使肉線斷作兩截則
不可醫

一 人患勞瘵兩年諸藥不効一日聞肉
味其腹痛不可忍又恐傳染移在空
房候其自終經停三日病者腹痛氣
息將絕思憶肉味之急忽有人患雞
子二枚其病人俛仰取火低頭取尾
銚煎孰吹火屢燃屢滅鼻中如有所
碍將熟聞忽覺貫一聲有紅線一條

自鼻中出牽抽約一尺長趨下厓銚
中病人知是怪物急用碗覆前銚中
盡力燒火不在其銚欲裂方任火開
銚視之乃是小虫一條頭目背具已
煨死如鐵線樣卽以示家人後棄之
於江其病卽安

一居民逃避石室中賊以烟火薰之欲
死迷悶中摸索得一束蘿蔔嚼汁下
咽而甦又炭烟薰人往往致死含蘿
蔔一片着口中烟氣不能毒人或預
曝乾爲末備用亦可或新水搗爛乾
蘿蔔飲之亦可

一自行顛穿斷舌心血出不止以米醋
用雞翎刷所斷處其血卽止仍用真
蒲黃杏仁去皮尖研少許研爲細
末煉蜜調藥稀稠得所爲化而安

一身上及頭面上浮腫如蛇狀者用兩
滴塔標上苔痕一錢水化開噉蛇頭
上五消

一病人齒無色舌上白或喜睡不知痛
痒處或下痢宜急治之下部不曉此
者但攻其上不以爲意則下部生虫
食其肛爛見五臟便炭燒艾於管中
薰下部令烟入更入少雄黃良

一人被蜘蛛咬腹大如孕其家棄之乞
食於道有僧遇之教飲羊乳未幾月
而平

一妖魅猶鬼病人不肯言鬼方鹿角屑

搗末以水調服方寸匕即實言也

一 蛟龍子生在萍菜上食之入腹變成

龍子須慎之用錫糲米杏仁乳餅黃

粥食之三升三服吐出蛟龍子有兩

頭

一 鬼擊之病得之無漸卒者如刀刺狀

胸脇腹內切痛不可抑按或即吐血

衄血下血一名鬼排斷白犬頭取熱

血一升飲之

馬希聖年五十餘性嗜酒常痛飲不

醉糟粕出前竅便溺出後竅六脉皆

沉澁與四物湯加海金沙木香枳榔

木通苑仁服而愈此人酒多氣肆酒

升而不降陽極虛酒濕積久生熱煎

熬血乾陰亦太虛陰陽偏虛皆可補

按此人中年後陰陽虛時暫可活者

以其形實酒中穀氣尚在三月後其

人必死後果然

重林暇筆

凡十一條

一 醫家十要

一 存仁心

博施濟眾

二 通儒道

道理貴明

三 精脉理

指下既明

四 識病原

醫家至此

乃是良哉

惠澤斯深

儒醫世寶

羣書備考

宜分表裏

沉痾可起

生於敢言

始是專門

五知運氣
補瀉溫涼
六明經絡
臟腑洞然
七識藥性
不辨溫涼
八會炮製
太過不及
九莫嫉妬
天理昭然
十勿重利
會當雖殊

一病家十要

一擇明醫

以明歲序
按時處治
認病不錯
今之扁鵲
立方應病
恐傷生命
火候詳細
安危所係
因人好惡
速當悔悟
當存仁義
藥施無一

於病有裨

不可不慎

一音服藥

有等愚人

三宜早治

復霜不謹

四絕房室

倘若犯之

五戒稍怒

怒則火起

六息妄想

念慮一除

七節飲食

過則傷神

八慎起居

生歿相隨

諸病可却

自家擔閣

始則容易

堅冰即至

自然無疾

神醫無術

必須省悟

難以救護

須當靜養

精神自爽

調理有則

太飽難尅

交際當祛

稍若勞役

九莫信邪

異端誑誘

十厥惜費

請問君家

元氣愈虛

信之則差

惑亂人家

憤之何謂

命財孰貴

一南方人有患病者每延醫至家診視

後止索一方冷入構藥于市不論藥

之真偽有無炮製輒用服之不効不

責已之非惟責醫之庸明日遂易一

醫如是者數致使病症愈增而醫人

亦惑亂莫知其所以懼也吁此由病

家之過歟抑醫家之不明歟

一北方人有患病者每延醫至家不論

病之輕重乃援一二金而索一二劑

刻時奏効否則即復他求朝秦暮楚

殊不知人稟有虛實病感有淺深且

夫感冒膜理之疾一二劑可愈至於

內傷勞瘵之症豈可以一二劑而愈

哉此謂俗之弊俱於人者多矣惟醫

者辨之

一醫道古稱仙道也原為活人今世之

醫多不知此義每於富有用心貧者

忽略此非人之恒情始非仁術也以

余論之醫乃生歿所寄責任匪輕豈

可因其食富而我之溥厚哉告我同

志者當以太上好生之德為心慎勿

論奢富均是活人是亦陰功也

一凡病家延醫乃寄之以生死禮當敬

重慎勿輕親貧富不在論財自盡其
誠稍藝之則非重命者耳更有等背
義之徒本得醫人之方病愈思財假
言詐作何福易某人之藥所為吝財
之計終不歸功於一人呼使不得其
利又不得其各此輩之心亦不仁之
甚矣

一常見冷時之人每求醫治冷患者臥
於暗室帷幙之中並不告以所患止
令切脈至於婦人多不之見豈能察
其聲色更以錦帕之類護其手而醫
者又不棄於問縱使問之亦不說此
非所以求其愈病將欲難其醫乎殊
不知古之神醫尚且以望聞問切四

者欽一不可識病况今之醫未必如
古之神安得以一切脈而洞知臟腑
也邪余書此奉告世之患病者延醫
至家聲告其所患令醫者對症切脈
了然無疑則用藥無不効矣昔東坡
云吾求愈疾而已豈以困醫為事哉
一吾道中有等無行之徒專一誇己之
長形人之短每至病家不問疾病惟
毀前醫之過以駭患者設使前醫用
藥盡是何復他求蓋為一時或有所
偏未能奏効豈可絜將前醫為庸邪
夫醫乃仁道况授受相傳原係一體
同道雖有毫末之差彼此亦當護庇
慎勿訾毀斯不失忠厚之心也戒之

戒之

一人道至要

存心以仁為主

慎獨以誠為主

出語以確為主

接物以恭為主

容貌以莊為主

飲食以節為主

起居以早為主

坐臥以常為主

讀書以勤為主

窮經以理為主

吟詩以情為主

立言以訓為主

日用以儉為主

宴會以和為主

辨論以直為主

事君以忠為主

兄弟以讓為主

妻妾以分為主

宗黨以睦為主

故舊以厚為主

爭鬪以釋為主

祭神以齊為主

奉上以謹為主

處變以權為主

御眾以恕為主

教民以倫為主

修己以敬為主

克慾以剛為主

制行以清為主

處事以義為主

衣冠以正為主

滋味以淡為主

步履以安為主

遊覽以適為主

作文以精為主

觀史以斷為主

學術以儒為主

異端以闢為主

交際以稱為主

贈答以謙為主

辭受以禮為主

事親以孝為主

子孫以教為主

男女以別為主

朋友以信為主

貧乏以濟為主

祀先以思為主

御下以恩為主

處常以經為主

守官以廉為主

行政以德為主

斷獄以明為主

使民以時為主
 刑罪以省為主
 女先以懲為主
 民力以寬為主
 蚕桑以種為主
 園圃以靈為主
 流移以還為主
 士卒以練為主
 鹽鐵以均為主
 交易以平為主
 材木以儲為主
 鷄豕以育為主
 道路以平為主
 漕河以疏為主
 夷狄以霸為主
 稅斂以薄為主
 良善以旌為主
 民財以恤為主
 田土以墾為主
 城廓以完為主
 盜賊以息為主
 兵甲以繕為主
 馬政以孳為主
 商賈以通為主
 器皿以備為主
 魚鱉以蕃為主
 橋梁以葺為主
 關市以稽為主
 邊塞以防為主

一 間評世病

常見人家子弟在於父母之前有因分
 財產而怨父母不均者有聽妬妻言而
 怨父母不慈者有披節已過而怨父母
 不道者有放肆奢侈而怨父母拘管者
 有飲酒飄賭而怨父母鈐束者有私其
 妻子而不顧父母衣食者有厚於外戚
 而薄於父母用度者有弟兄執定輪養
 而致父母饑寒者有父勞於耕收母苦
 於井臼夫妻安閑而還說父母不是者
 有父母患病不請醫藥而借言老疾難
 治者有父母衰老不行扶勞而輒言應
 該作蠱者若此之類難以備述嗚呼父

母在日不行孝敬視如路人及至歿後
却乃披麻戴孝揚聲號哭請僧供佛修
齋追薦盛張鼓樂唱戲暖伴置備佳餚
美饌異果醇漿待奉賓客恐不盡情扎
造樓碑做紙人馬等物炫目壯觀彼有
千金之費全無一毫之益語云生事之
以禮死葬之以禮祭之以禮不遵太聖
之成言且悖文公之家禮不惟取譏於
識者抑又傳笑於太邦端書茲數句謹
白世人一覽有則改之無則加勉暗室
虧心神會搜檢禍福報應不錯半點言
雖不文意思浮淺世病可革古風可遷
慎之戒之愚言可規

一放肆訓

嘗見世人負少年豪氣胸襟高傲言語
剛強將謂無人惟知有已眼空四海欺
侮一方好議人之醜態不責己之過失
口勝魚腸利劍舌賽吹毛快刀充善于
拒諫飾非難逃乎鄉評輿論一日時衰
運去禍起蕭牆常抱造次之驚恒懷顛
沛之厄陷入重典淹禁縲絏浪費萬貫
難求一生蓋為不仁之所召也嗚呼豈
若遵禮懼法屈己右人存心恭謹安分
脩德使鄉黨稱為端人乎

一閭訟訓

竊見今人偶因一言之忿不忍或錙銖
之利不均輒然閭訟夫我欲求勝
于彼則彼求勝於我矣仇仇相結怨怨

相報遭官刑考訊身權重罪久禁囚固
苦不堪言以致父母憂流兄弟愁悲妻
子驚哭朋友歎息捐千金而身命不保
盡百計而無可脫破家蕩產貽兒孫
尚未已也嗚呼豈若含怒一時後退一
步饒讓一着庶幾安家樂業得享康福
使鄉里稱為善人乎

新刊萬病回春卷之八終

叙雲林志行紀

志行紀何紀雲林生平
之志素履之行也志行
何紀之昔余先君令扶
邑構恙幾危余

請告口就省當時皇皇驚

怖賴雲林診攝救藥先
君得以康復余為先君
而戴雲林誠通家而骨
肉者也稔知其為人之

實因歷舉其志行而為

之紀重嘉善也雲林世

為金谿人姓龔氏名廷

賢字子才生而岐嶷仁

孝天畀襟度汪洋阜乎

為昭代人豪蚤歲業舉

子飽經術操觚染翰發

為文詞雲錦天葩燦然

立就將有志南溟效用

廊廟以大究厥施緣數

奇不第遂續父業精于

醫謂達則為良相不達

則為良醫均之有補于

世道也始遊許昌如扶

溝請都下即受知于太

學士中玄高公定西侯

文益蔣公太司寇三川

劉公聲名燁燁播京師

隨被

命拜官榮歸既而由金

陵復抵大梁在在馳聲
起死回生活人無筭王
侯公卿賓禮敬慕迎候
接踵贈以詩章旌以扁
額絡繹不絕而

周藩海陽王崑湖安昌

王靜觀太宗正西亭及
當道撫臺洪溪衷公翰
林王陽張公學憲一中
揚公尤加慈焉然賦性

廉介樂于施濟而不責
報諸元老薦紳先生酬
以金幣而不可却者雖
受之亦不私已遺歸以
賑宗族鄉黨之貧困者
事乃父西園公純孝温
清之省聚百順以養志
如父志在仁天下即推
所傳之秘集古今醫鑑
種杏仙方萬病回春三

書刊行于世使人人按
書而察其病得以終天
年而登壽域大有功于
天下後世父志在鍾愛
庶母所生二幼子即以
其所愛者而加愛焉觀
之猶父然也凡家業悉
推讓之又且別贈之以
田使安享其逸以承父
權可謂善繼善述而恪

守義方者也至于讓祖
產于齊父貽厚貲于仲
弟建祠堂以承先立家
訓以啟後創大門以華
宗置義田以贍族此皆
仁人義士之所為也又
嘗輸穀粟賑饑民而不
忍其顛連施棺木座旅
視而不忍其暴露解衣
裘救寒士而不望其後

償崇禮節友賢良而不
爽其信行還鬻女返賣
僮而不索其聘財憐鰥
寡恤孤獨而不吝其厚
費志行卓犖奇偉不可
枚舉此特其彰明較著
可紀而傳之以風世教
也行將懿行

上聞徵書且登下垂名价
帛端有在耳且陰德動

天天心福善胤祚永昌
食厚報於無窮寧非理
之必然也哉不佞嘉其
善而紀之以俟太史觀
風者采焉夫何謏是為

紀

萬曆丁酉年強圉大
淵獻之歲瓠月之吉

賜進士第亞中大夫浙

江布政使司參政臨川
敬吾徐汝陽撰



萬病回春後序

嘉靖丙辰歲六月

十有一日

世宗肅皇帝遣平江

伯陳王謨偕諸司

持

節授冊襲封余為王

時值溽暑祇乃事

罔恤勞瘁症中痰

火頭眩喘嗽膝趾

腫痛不能動履四

時疾作苦楚莫禁
余嫡長子朝陞徧
延諸醫治皆罔效
誠墮痲病也萬曆
丙戌五月復熾殆
岌岌矣長子晝夜
驚怖籲天身代皇
皇無措天假良緣
適金谿龔生雲林
以應撫臺洪溪
衷公之聘卽沐邸

獲與荆識叩其學
術卽迺父西園公
家傳儒醫奕業鳴
世久矣余忻然景
慕遂隆禮幣延生
爲入幕上賓生感
其誠迺曰司鼎饗
者務爲良相佐
聖主成雍熙之世
顯方脈者務爲良
醫躋生民登仁壽
之


域余弗類不克爲
良相以光輔太平
願以良醫濟世保
王躬享遐齡增上
壽以永國祚復沉
潛疹視植方投劑
獲効如響不旬日
而漸離榻又旬日
而能履地又旬日
而康復如初三十
餘禩沉痾一旦起

而全愈之噫亦神
矣哉生其聖於醫
者乎因悉叩其生
平蘊籍出古今醫
鑑種杏仙方二帙
已刊行于世覽之
者人人擊節歎賞
如醉春風矣然尤
以爲未展盡其底
蘊又括百家奧旨
成萬病回春一集

其精微玄妙諸名
公已序其首矣夫
復何言顧余感其
惠深嘉其用心之
仁敢僭一言以續
于後夫集以萬病
匪春名之者數總
于萬也病而曰萬
則無不該括時和
于春也春而曰回
則無不發生如萬

物當嚴凝肅殺之
餘挽之以陽春大
和之盛天之造化
生斡旋之矣行且
大有補于世道醫
國醫民何忝于良
相乎是宜售諸梓
以廣其傳云
萬曆二十五年歲次
丁酉孟秋之吉

周藩海陽吉昌湖勤煥撰



天和二年^{壬戌}

九月吉日

一文字屋三郎右衛門^開板

萬病回春者醫家者流
日用之書也衛生者不
可不手之口之也然往
往所刊行魚魯之差不
少焉今改正之字字以
假名附之且有文理以
和訓可通者藥名難辨
者傍附之以便童蒙矣



國朝詩林續卷一

